



增訂

慶弘紀聞

四

伊
3996
4



伊予
3996
4

十三朝紀聞卷之六

從六位下行兵庫寮史生兼和泉掾源朝臣照矩編次

男 正七位下長門掾源 賴矩 校

後挑園天皇諱英仁 挑園帝第一子也母准后一

條氏諱富子號 恭禮門院明和五年為 皇太子

至是受禪時年十三二十五日尊 後櫻町帝曰太

上天皇攝政內前左大臣尚實右大臣輔平內大臣

李晴並如故○八年正月江戶災二十五日 太上

皇徙居櫻町宮○二月從一位前右大臣藤原常雅

薨常雅博學多才明解朝章每奉 詔問應聲而對

月... 卷六

百事無不理。右大臣輔平甚重之。為白拜相國。或不
可。故止。云薨。年七十二。二十六日。上皇入見。帝

宗
獵
二
虎
殺

○三月自十二月對馬守宗義功。朝鮮金山浦互市
館傍多虎災。館奴為之將啞。至是館胥等獵之。小正
太折平共獲猛虎一頭。小次郎又吉等亦獲一頭。韓
人傍觀。驚邦人多力。賦詩賞之。明日東萊府贈書及
物。勞之。其書曰。即聞館人等獵。獲二虎於館後山。云
其為民除害之功。極為嘉尚。不可無表賞之道。其中
一人為虎所傷。聞甚驚念。今送白米二石。分給。捉虎
人。活鷄為虎呀良藥。以與被傷人。使付傷處。云云。蓋

夏
日
大
雪

釜山屬東萊。故贈。二十七日彥根大雨雹。○四月朔
大水鴨川溢。溺死者四十餘人。五日遣兵庫頭王賢
兼祭主。大中臣季忠。但馬守齋部生民。奉幣于大
廟。告嗣位。自昨日至。是日東海大雪。相摸大山尤甚。
十八日以權大納言藤原輝良為內大臣。二十八日
行即位禮。大將軍使侍從隱岐守松平定靜等朝
賀。四位五萬石以上諸大名。亦使使奉賀。○五月九
日尊准后曰。皇太后十九日。帝始讀紀傳。○六
月二日江戶地大震。自四月不雨。至于是月。紅夷送
歸我舟人孫太明和。改元之冬。筑前唐泊浦舟人二

十口陸奧鹽屋洋遭風漂著亞蠟敢此鳴屬渤泥世俗所謂黑奴國也黑奴漕之抵曾達碌亦屬渤泥而黑奴也居一歲十人病死黑奴分賣其餘于四方孫太等二人乃發一人舟中死月餘至渤泥國港清商紅商黑奴等雜居焉孫太為清商所買居六歲紅毛請得之還瓜哇國時前月初也至是遂納長崎奉行依例賜在瓜哇漸涅咧兒米五十苞送孫太甲比丹三十苞司拖二十苞以賞之漸涅咧兒甲比丹並紅夷官名蓋紅夷設館于瓜哇國都咬啣吧以與萬國交易遣漸涅咧兒掌之云○七月九日上稱皇太

后曰恭禮門院二十二日大水流淀大橋自三月至是月畿内西國民爭詣大廟沿道民給之食房轎馬時謂御蔭內宮每人予神符一枚一月出一百三十五萬二千其數大過賢永御蔭云○八月大坂火○十一月三日遣兵庫頭王賢兼大宮司大中臣長堯掃部權助齋部利尹奉幣于大廟告修大嘗十五日以攝政内前復為太政大臣十九日大嘗明日大赦○安永元年二月桑名火二十九日江戶大火郭門八棟武人大小館舍八千八百餘區及山王祠聖堂及東叡先夫人廟數字燼焉焚死者六千

七百餘人幕府發金賑貸千石以下遭火者○五月幕府以主殿頭田沼意次為老中又頻益之封其威震中外自四月天下疫多死者○六月二品伏見貞行親王薨年十三福井火○七月三日肥前肥後筑後大風水民多死長崎海溢揚舸于街破清舶三艘○八月朔遠江以東武藏以西大風拔樹發屋三日江戸大風拔樹破屋本所深川大水損永代橋二十一日夜美濃以西備前讚岐以東大風拔樹倒廬舍備前大水漂民家溺死者多是時四條京極大槻樹折世言是木經六百餘年二十二日以攝政內前復

大風

為關白○九月幕府奏鑄新方銀文曰以南鐐八片換小判一兩背面作法馬圖重二錢七分謂之二銖銀十七日江戸大風倒廬舍○十一月輪王寺公遵法親王東叡山第災十六日改元曰安永大赦天下○十二月五日大婚關白內前女從三位維子為女御大將軍使讚岐守松平賴恭等朝賀是歲新田郡牛澤村孝子參次歿參次貧其兄富然母安參次之養而依焉其耕耨每望母時捨耒耜還省神祀佛會花朝月夕母所欲負之而往母老不耐于背乃製竹轎與子昇之嘗聞蒲花褥宜老者即刈而製之其妻

孝子參次

月台刊 三月 卷六 上見櫻菴抄

亦善事姑邑有俠者初甚疾參次後稱其孝時時饋菓饌於參次母蓋感而化也青蓮院臣法印在原業廣以能御家樣聞御家樣伏見帝子尊圓親王書法名王居青蓮院會得晉王右軍父子之法自創一體其後後伏見皇子尊道藤原持基公子尊應後拍原皇子尊鎮正親町帝猶子尊朝後陽成帝猶子尊純後水尾皇子尊證相繼住青蓮院各能御家樣而尊朝殊有聲業廣學尊圓尊朝二王而稍變云○二年四月二十二日多賀祠災○六月伊勢山城大水美濃雨沙○七月八日大風雨至十二

怪鳥

日而止天下大水行旅止者數日○十月世傳十六日賜攝津大念佛寺祖良忍謚曰聖應大師○三年二月遣古少辨藤原賴熙于藤杜行遷祠儀中務卿織仁親王適江戶○三月十七日詔神祇伯源資顯修稻荷祭是會廢者三百餘年至是依古例課五條以南諸坊舉行自後歲修之○四月十五日夜有一怪鳥止便殿屋上而鳴聲如牛車之轟殿中不知何音皆驚怖帝之乳母某氏趨出伺會月明能辨之形大俱如鳩少傾南飛後或因宮女忠子請內祈乃命禳之○六月六日江戶大雷震三十七

月台所刊一月已開卷一、其見書成反

所二十三日大風攝津播磨山城近江尤甚折樹倒屋壞大坂海口船大水漂沒河口市舍溺死千二百餘人○八月大内計吏田村肥後廣敬津田能登義明服部左衛門廣雄西池主鈴直弟高屋遠江康昆藤木修理保顯山本左兵衛清養山口日向厚數關月貢光宗等數十人有罪廣敬以下四人處斬康昆以下五人處流餘悉免黜初廣敬等稱供御費私利多金所司代每傳計簿於江戶求金按問之未得窮治至是幕府奏命所司代土井利里等推鞠及之自是幕府遣勘定數員入掌經費停内吏專焉○九月

高野南谷災○十二月二十三日

詔故兵部卿貞

建親王子勸修寺門主寬實還俗繼伏見氏以負行親王薨後伏見殿無主也二十六日叙親王更名邦賴是歲幕府奏徙松平忠恕于嶋原松平忠周于上田戸田忠寬于宇都宮○四年正月十二日以月蝕廢踏歌節十五日行之○二月幕士青山主馬以罪褫邑連坐者多○三月伯耆安養寺主修後醍醐帝四百五十年忌齋于長講堂相摸清淨光寺主主之○五月琉球船漂至鳥羽浦○八月雷震方廣寺越前福井災○九月江戶火○閏十二月内大臣輝

良罷二日以權大納言源前豐代之罷十一日以權
 大納言藤原賞季代之罷二十四日以輝良復為內
 大臣○五年正月諸國疫至于二月○四月大將軍
 奏謁日光廟赦天下○池野無名歿京師人自勿能
 書畫三歲粗知字五歲於黃檗書劈寫字寺僧皆驚
 嘆既長就郡山藩族柳澤里恭摸元明名畫又法清
 蕭尺木遂入逸品自號大雅堂嘗數登富士山製百
 富士圖亦登白山立山寫其峭拔之勢因又號三岳
 道人又霞樵弟子福原五岳備後人善山水長人物
 餘夙夜僧月峰各工山水○九月十日安房相摸伊

士百雷

豆海溢破民家死者多○十二月松本火○六年五
 月仙臺大水○七月陸奥出羽及印幡大水○八月
 長崎海溢諸船及清船損○十月久遠寺災○十一
 月幕府以大坂城代出雲守久世廣明為所司代大
 坂災天滿神祠延燒江戸火焚死四十餘人○十二
 月十八日以關白太政大臣內前准三宮是歲幕府
 命水野忠毅子忠友再築沼津城治焉初清鮑以文
 者收太宰純所定古文孝經于知不足齋叢書中至
 是其刺本始來○七年二月准三宮內前辭關白太
 政大臣藤氏長者八月以左大臣尚實為關白補藤

焚大鳴

氏長者聽內覽賜兵仗牛車江戶火○三月十七日
 至二十日伊豆大鳴三原山大焚雨石沙聲如雷鳴
 中晝晦咫尺不辨山上至山下仲野澤中石沙積二
 丈既其火漸衰至冬不滅○四月 詔赦藤原公城
 藤原光胤已下罪南部災○六月大坂大雷震四天
 王寺浮圖肥後海溢漂沒民家○七月二日夜京師
 大水壞 闕下諸第墻及小川市舍堀川白川等石
 橋大垣大水○十一月關白尚實辭左大臣名護屋
 災○十二月十日以右大臣輔平為左大臣前內大
 臣經胤為右大臣賜隨身兵仗○八年正月經胤罷

水衝闕下

四月大雪

焚櫻島

十四日以前內大臣李晴為右大臣○二月幕府世子
 子權大納言家基薨年十八舉府下歎惜民皆罷市
 明年十一月贈正二位內大臣○三月李晴辭右大
 臣二十九日以前內大臣輝良代之權大納言藤原經
 熙為內大臣○四月朔二日畿內至江戶寒如盛冬
 北陸及伊勢大雪三日江戶大雨雹○六月三日以
 女御維子准后○八月東海北陸大水尾張尤甚○
 九月京師火天下比日寒如冬阿波馬山雨雪 帝
 不豫大將軍使隱岐守前田房長入候二十九日大
 隅櫻嶋南山大焚聲如雷雨燃石灰沙電光從火中

三月... 卷六... 七

連起同時其海溢涌出七小嶋○十月二三日土佐
海濱熊野浦山田尾張及江戸雨灰白如雪櫻嶋所
噴也 帝病彌篤十五日遣兵庫助王兼宗祭主大
中臣季忠小舍人齋部量弘奉幣于 大廟禱之櫻
嶋火漸衰遂滅此災也民死一萬六千餘人牛馬二
千餘頭埋沒田園亦夥數旬南山頭俄水出流巨石
若干二十九日 帝崩年二十二稱後桃園院在位
十年改元者一曰安永○十一月大將軍使侍從大
和守中條康隆入弔大喪二十五日太宰帥親玉第
五子踐祚是為 光格天皇

光格天皇諱兼仁初諱師仁 東山帝曾孫於 先
帝為再從弟 東山帝生親王直仁直仁生諱典仁
乃 上之父也明和八年八月十五日生于閑院殿
至是迎繼 大統時年九歲以關白尚實為攝政左
大臣輔平右大臣輝良內大臣經熙並如故初 先
帝疾病也 上皇以其無子與准后內前謀欲迎立
崇光皇裔邦賴親王幼子貞敬然知關白尚實不
肯之未敢發及大漸 上皇入視欲屏尚實而親告
迎立貞敬故使內前出殿緣連呼關白自亦勅尚實
曰准后呼矣速出面焉尚實為入果決有賢才心固

不可迎伏見氏即對上皇曰上將登遐臣莫得

退兵先帝亦顧尚實曰後嗣之事汝宜圖之言畢

而崩尚實乃自定策迎上立後○十二月十日葬

後桃園帝于泉涌寺大將軍命土岐大膳大夫詣

乏上香命龜山松平信直淀稻葉正益衛泉涌寺水

口加藤明堯尼崎松平忠昆衛般舟院是歲石見守

酒井忠休奉慕命築于出羽松山○九年三月十二

日勅修宇多帝八百五十年忌齋于仁和寺藏

人頭右近衛中將藤原忠尹奉行連日霏霽寒如盛

冬○四月清江南商船陳敬騰等七十八人漂泊泊安

房○五月大坂火○六月比日霏霽寒如冬陸奧大

水播磨高松大雷○八月二日以大將軍為右大臣

遣權大納言源信通前大納言藤原隆前就江戶拜

焉大將軍使玄蕃頭井伊直富等朝獻謝恩○十月

十六日京師雷○十一月二十三日遣兵庫助王賢

通祭主大中臣季忠小舍人齋部量弘奉幣于大

廟告嗣位賢通即兼宗避聖諱改之○十二月四

日行即位禮七日以閑院太宰帥親王叙一品十

三日以先帝女欣子為內親王十八日遣使王賢

通大中臣寬忠齋部量弘奉幣于大廟告加元服

月台所刊一三月已月 卷六 其見書成反

連日
霏霽

二十五日以攝政尚實為太政大臣賜內舍人二名
 為隨身古來民間婦女無都鄙冒管笠自此間其俗
 廢始遮涼傘尋男子亦往往遮之○天明元年正月
 朔帝元服太政大臣尚實奉加冠左大臣輔平奉
 理髮江戶火○三月五六日縱民觀即位儀跡十
 一日大將軍使雅樂頭酒井忠以兵部大輔有馬某
 朝賀即位諸大名亦使使奉賀十五日尊嫡母准
 后近衛氏曰皇太后○四月二日改元曰大明○
 五月七日帝始讀書攝政尚實辭太政大臣幕府
 以所司代久世廣明為西城老中○閏五月大將軍

孝子
太良
萬龜

以一橋左近衛權中將源治濟子豐千代為嗣子尋
 命名家齊治濟有德公子贈權中納言宗尹之子也
 ○七月二日薩摩大隅日向大風幕府以越中守牧
 野貞喜為所司代江戶大水破新大永代二橋二十
 七日畿內大風喬木多折鹿兒嶋郡山田村民太良
 萬龜兄妹事二親至孝薩摩守源重豪給太良米二
 十五苞萬龜錢五千文時太良年十三萬龜十一○
 十一月大坂災○二年正月德嶋災○三月五日
 大將軍嗣子家齊為權大納言叙從二位遣權大納
 言信通前大納言隆前就江戶拜之金澤災○五月

月台行月... 卷六

江戶
起天
文臺

大將軍使讚岐守松平賴起等朝謝恩大德寺及竹
 田村松生華幕府始起天文臺于淺草○七月十四
 日夜江戶地震明日又大震市舍倒相撲尤甚箱嶺
 崩小田原城壞營中生靈芝○八月四日江戶海盜
 破洲崎諸店舍及辨財天子祠溺死者數十人○九
 月以神祇少副大中臣長堯補造兩大神宮使○十
 二月十日 帝始讀紀傳文章博士菅原在熙侍讀
 ○三年二月二日江戶地大震嶋原飯田災○三月
 秋田災○四月江戶屢火○五月上野草津溫泉暴
 熱浴人爛死天雨則火作○六月諸州大水箱嶺以

淺間
岳焚

東殊甚且比日霰寒如盛冬八丈嶋焚自四月至
 是月畿內寒如冬連日霰寒人服絮衣○七月七日
 淺間岳焚聲如雷大雨灰石晝晦如夜腥臭聞數里
 岳下黑熱沙水涌出漂壞柳井岩井中原初戶箱崎
 川崎青山三嶋等三十五村人畜與大木蕩流於利
 根川壓燃石溺熱水死者三萬五千餘人高崎等地
 灰積齊於屋白如雪九日其地雨白毛長者八尺許
 短者四五寸是日及明日江戶雨淺間灰○八月十
 三日陸奧隕霜殺菽及蕎麥東國飢南部尤甚米斗
 錢二貫五百文餓死者多○十月十二日上稱 皇

富吉復仇

太后曰盛化門院崩年二十五葬于泉涌寺下總民紀富吉殺父莊藏之讎式宮條于江户牛込條本名甚内明和中鄉里社會與莊藏爭事殺之出奔變姓名為幕府小吏時富吉年十二及長欲復之往江户仕劍士數年至是路遇條曰汝非甚内邪何為殺我父仍與鬪殺之植刀于地懸謚賽首○十一月十一日夜雷震大坂城櫻門災江户火○十二月江户火彗星見西南踰年乃不見謝寅歿寅本名長庚居京師嘗遊與謝甚愛其山水因以為氏天王寺村人故號蕪村做元明名畫善寫山水考亭等稱其神韻為

第一又妙於諧歌有集行于世弟子九老中漸中漸弟子藍田各能山水○四年正月江户岡山火○二月大坂火○三月大將軍進閑院太宰帥親王殺千石以帝之生父故其終世每年加之幕士佐野政言斫殺少老山城守田沼意知于營中意知老中主殿頭意次之子嘗假政言所秘佐野宗圖而不歸政言忿恨遂害之坐賜死○五月天下飢幕府糶二條倉穀萬石賑輦下民斛價銀七十錢時價倍之江户大坂亦被賑○七月幕府以因幡守戶田忠寬為所司代長崎清商館災○玉蘭歿無名妻也能畫山水

及蘭竹梅菊工和歌其母百合亦以國風聞○十二
 月江戸郭内災是歲近衛中将藤原重村請幕府鑄
 方鐵錢行之其部内文曰仙臺通寶輪王寺親王侍
 讀井上立元歿元字純卿江戸人初師紀德民門人
 井上通熙後折衷漢唐宋明諸說倡之著孝經論語
 集說經義折衷霞城講義等弟子劉元簡集刊遺文
 曰金峨焦餘稿○五年正月二十七日畿内雷○二
 月十九日以攝政尚實復辟關白○三月准三宮前
 關白近衛藤原内前薨年五十八子經熙嗣○六月
 天下旱○八月幕府賜大坂天滿孝子熊次兄弟白

江戶大雨

金熊年十四弟十○九月琉球大飢幕府貸穀萬苞
 金萬兩于薩摩守嶋津重豪以賑之陸奥飢○十一
 月四日尾張及畿内雷○十二月自十月畿内暖如
 仲春○六年正月朔日食皆既江戸屢災聖堂延燒
 ○二月江戸日光火十三日 帝親製和歌以慶大
 將軍壽五十寄鶴祝為題召閑院親王邦賴親王及
 關白尚實左大臣輔平右大臣輝良以下四十九人
 各賦之賜御製以下于幕府○六月河内大水○七
 月武藏下總上野下野大雨自十二日晝夜如注至
 十九日而止江戸市街成河深者六七尺壞郭壘流

月令 三月 其見書或反

天下多雨

新大永代關口奈加石切等諸橋男婦溺死無算幕
 府出船數百隻拯救數萬人兩國為食施與窮民尋
 發金賑貸府士遭水者○八月熊本大水○九月正
 二位右大臣征夷大將軍薨年五十○十月二十四
 日遣前內大臣賞季等弔之贈太政大臣正一位賜
 謚曰俊明院自春至是月天下多雨禾稼不登東國
 殊甚○十一月朔日南至 詔修旬節關白尚實
 上賀表有云梅光已放春信忽至乾旋坤轉自然之
 璿 帝覽而賞之親製詩曰天行南經一陽來春信
 含香今日梅盛禮復依周代古乾坤生意紫庭開近
 世多不舉此典至是復行是日都下比屋為餅相慶
 云幕府發金賑貸旗士得邑八不及半者○閏月主
 殿頭田沼意次以罪削封尋病卒年六十餘意次歷
 事惇信公俊明公甚得寵幸自秉政以來侈用窮奢
 專聚斂是秋俊明公由病稍知其不臣意次不自安
 乃以疾辭老中公聽之既遺命禭封夷城至是奏奪
 半封明年十月悉收之○十二月天名座主妙法院
 真仁法親王獻白鳥 帝勅管源胤長為德在家益
 張清原則賢宣條中原師資小槻敬義等諸臣上瑞
 否之勅文公遵法親王亦奉 旨上勅文拾遺勅文

真親王仁
鳥獻百

多述故事或曰德至鳥獸則白鳥下或曰王者敬宗廟則白鳥至或曰蒼白背為中瑞或曰昌泰白龜亦不純白或曰王者之瑞在時和歲豐賢進忠出且上帝不常作善降之百祥云蓋此鳥色兩翼及尾純白頭背肚並含赤紫嘴脚並淡蒼○七年正月十三日

五歲養母

勅苑司田中大炊放白鳥於其下處奉之漆柙至山科竹鼻村田而放田字智牟幕府賜鈴鹿郡坂下驛孝子萬吉白金若干萬吉五歲失父僅擔人之行囊以養母日每過門必入省母每病積多卧其劇則萬吉哭乞藥去歲代官多羅尾以告江戶至是乃

文恭公繼職

天下大飢

賞之加母食米時萬吉十一歲○三月朔尚實辭關白長者內覽隨身兵仗以左大臣輔平為關白補藤氏長者聽內覽賜隨身兵仗牛車上皇賜馬慶之六日以權大納言源家齊為征夷大將軍選內大臣兼右近衛大將補源氏長者任右馬寮御監賜隨身兵仗牛車遣傳奏源信通藤原隆前就江戶拜之時年十五權大納言右近衛大將藤原治孝等適江戶天下大飢○五月大坂飢民群起毀掠米商富賈數十家大將軍使讚岐守源賴起等朝謝進官之恩關白輔平辭左大臣二十六日以右大臣輝良為左大

米斛
銀五
錢百

臣內大臣經熙為右大臣權大納言藤原家孝為內大臣賜隨身兵仗江戶飢民數百人蜂起毀掠米商大賈千七八百間諸街鐘拆集人拒之府下騷然先手追捕盜平時播磨林田及伏見界浦小田原加奈川等亦飢民群起初熊本諸商倡邪市曰出扎城下物價因騰踊熊本禁之不止至是夜有異人群來悉毀其商戶而去○六月天下益飢餓芋相望京師米斛銀二百五十錢江戶倍之京畿民衆詣建禮門廻匝宮外以祈穀價低下幕府發穀六萬苞金二萬兩賑江戶飢民奏以越中守松平定信為老中任侍

白川
悉除
部內
田租

從定信博學經籍世子時著國本論人稱其賢才癸卯冬以飢饉悉免部內田租遂放家婢數十人唯遺一女令妻衣不曳席名益著至是三家會議辟老首委政事其始與聞也身衣澣衫食一菜時年未壯諸老中驚愧各遽惡衣食云初有德公自執儉約嚴禁奢侈近代禁弛天下復靡八月定信舉有德公政傳天下武門專行節儉嚴飭武備令府士上番衣綴絹禁其壯居宅設飲燕厚送禮等時謂京師聖帝在關東賢宰出天下復淳古當不日○九月十八日以從一位前關白九條藤原尚實准三宮再賜隨身兵仗

機忠移

居四日薨年七十一子道前道前子輔家皆先薨二
條藤原治孝次子輔嗣繼之松平定信奉教擢幕士
通經學者十餘人充聖堂講師無貴賤聽之○十一
月五日遣兵庫頭王久通祭主大中臣季忠等奉幣
于大廟告修大嘗賀茂石清水兩廟亦使使奉幣
告之二十七日大嘗右大臣經熙養鹿兒嶋源重豪
女為子嫁大將軍○十二月幕府遣美濃守岡部長
備收故田沼意次相良城河內守井上正甫伯耆守
本多正温隱岐守西尾忠移毀之各督處分正甫正
温令工率解隳不傷之月餘不竣忠移購求漁網數
張以懸樓櫓輓轡引倒之一日而畢大將軍聞稱其
機警責正甫正温之遲旗本赤井豐前守松本伊豆
守並坐託糶奸利削邑所司代戶田忠寬罷和泉守
松平兼完代之清主弘曆希慕國朝茶燕法具嘗令
高船至長崎求茶室燕具立之于其宮中此間乃開
燕云○八年正月晦日昧爽建仁寺前團栗里失火
會大風盤轉火漲京城亥時延燒 皇宮 上皇宮
及二條牙營 帝奉 三神器避之于下鴨即夜幸
聖護院為 行宮 上皇幸昭高院郡山淀膳所篠
山龜山高槻諸藩以備京師非常皆馳上而龜山松

京師 大災

月始新刊 三月巳開 卷六 其親親藏反

平信道先至奏請陪從 鳳輦及至聖護 勅准四

信道 忠信

位侍從行所司代事外衛幕燈皆利時盛稱其機
警尋賞轉寺社奉行是災也東自大和大路西到朱
雀大路北自玄蕃町南到七條街公卿第宅一百三
十區武人館舍六十區民屋十八萬三千間及般舟
院及東本願佛光誓願平等相國本國本熊妙頭妙
覺頂妙壬生等大小佛寺九百二十宇皆燼民焚死
二千六百二十餘人○二月四日 上皇自白川遷

甚四 即其才 類其政 武父

幸青蓮院二條城番屬石河甚四郎議發城倉賑都
下城番曰都督未上當請江戶而後發甚四郎曰歲
歉且災飢餓如此若竦命下無及矣擅發之罪吾一
人被之遂發穀數千石託町奉行散之事聞幕府賞
擢大目付大將軍遣使朝獻弔災復遣勘定奉行根
岸鎮衛等巡檢災跡計造宮事分給金數萬于諸緡
紳稟貸米三千苞銀六十貫錢于都民免其商稅所
司代松平兼完入京師館高臺寺○三月大將軍作
皇宮課天下大名助役命老中定信等掌事二十
五日 勅前左大辨藤原光世進古宮室制度光世
據醍醐理性院所藏古禁內圖與博古士藤叔藏者
共考其規度更製圖以進奏准三宮輪王寺公遵法

明治新刊 三月巳月 卷六

親王薨年六十七 中御門第二皇子也村山郡成
 泥村民文六婦生子未幾俄長大量之七貫五百錢
 明年七月十四貫錢時高三尺六寸○四月七日以一
 品忠譽法親王准三宮尋薨年六十七 中御門
 第三皇子也十一日暮有火光大一丈自東北飛西
 南光照如晝幕府遠流大坂代官青木楠五郎尋代
 官原田清力石菽宮村孫大學太郎亦抵罪楠以下
 各主幕府歲入數十年驕縱暴斂私利巨萬金清菽
 自殺○五月老中松平定信朝聖護院 行宮京師
 奉行發金二萬兩賑貸市民近江小室和泉守小堀

政稱

政彌有罪幕府奏收其封放之下小田原其臣僚亦
 多見流斬政彌遠江守正一之裔嘗為伏見奉行淫
 酗肆虐奪民婦女起螺鈿樓殺無辜事籍沒無所不
 課民不聊生乙巳歲九助九良二人潛詣江戶訴之
 仍停奉行至是再詰其罪及之時人快焉初朝鮮王
 將遣使賀幕府繼世幕府有故欲延其期於是命對
 馬守宗義功傳延期之教○七月幕府辟金森鞞負
 本多兵庫為寄合○九月幕府課五萬石以上諸藩
 築 宮垣○寬政元年正月二十五日改元明日大
 赦○二月幕府遣勘定奉行主膳正柳生久通等監

蝦夷 殺南 部商 船

大内工命甲斐守柳澤保光隱岐守本多康完丹後守稻葉正謀下野守青山忠裕衛工場○三月幕府令都下六十歲以上十五歲以下男子擣堅宮地半日一替老給百錢少給五十錢至七月而畢令諸國禁金銀器奢靡服及上巳端午饅人等高過八寸○五月二十二日以權大納言藤原政熙為内大臣蝦夷俱奈尻首月野柄殺松前監吏及南部商船九十餘人初商船請松前開市于俱奈尻漕米酒烟草等久之賂監吏專市利夷民忿恨至是月野柄將其部五百餘人夜急襲市場殺之所司代松平兼完

新奠 文宣 王

金時 罪時 贖衆

還江戶○六月幕府命松前志摩守源道廣往討俱奈尻賊松前將見次等率兵船三十餘艘先發未至賊皆逃亡豐後岡災○閏月幕府以備中守太田資愛為所司代○七月量定諸國娼戶嚴禁上娼○八月上丁勅釋奠孔聖于行宮菅原為頭年甫十四進講孝經帝歎賞曰秀才之名不空也二十二月日以權大納言源信通兼右近衛大将後二月補右馬寮御監京師町奉行筑後守池田金時護送輪王寺親王而還江戶金時豪邁明決自言吾律者罪一况以贖衆庶也嘗一暴富有罪籍没之天明大災稟

貸九衢殊薄其息以其餘金為市民增築預備倉嘗
穀價久貴及漸低京師米商相謀奸利菜色猶不少
全時怒之奴裝出沽升米及商俯而料之拔刀斬其
首諸商破膽米價俄賤○九月幕府命天下藩鎮各
置預備倉每秩萬石積粟五十石命右筆源五郎撰
續藩翰譜二十二日 開明門院薨○十月幕士宇

孝子 佐吉

垣貞以游士平十詐為己弟繼同僚前田氏事覺平
貞並處斬連坐者多羽栗郡孝子佐吉歿佐吉幼歲
失父事母至孝好讀書工畫梅竹自號昔齋初家貧
以販綿為業每不齋拜賣買皆使人執秤久之賣者

孝女 幸

為昂錘買者為低錘因不圖致富云○十一月江戶
甘露降○十二月大坂大火是歲幕府令天下禁異
學自享保中雙松等專倡復古排擊程朱以來論駁
宋儒者相踵而出故有是命○二年正月幕府令諸
國禁婦女衣簪奢美賜大坂嶋內街孝女幸白金幸
孤義母有病盡力進藥餌喪而固守遺誡其小祥供
養舊故亦非幼所能及云時年十五二十八日 青
綺門院崩于知恩院年七十五葬于泉涌寺門院歸
依佛法自從 櫻町帝移院日親馮般若經二十餘
年而悉謄六百卷世以比光明檀林二后○三月二

月台... 三月...

勅行 節儉

大內 成

十四日 勅諸廷臣曰堂上堂下官人常行節儉大
 禮節會拜賀等諸朝衣用其故有諸獻上減其舊額
 幕府賞相樂郡平尾村孝子半傳二人半為村長事
 母孝每恤孤獨傳故事母兄亦恤窮者紅毛商人詣
 幕府獻方物大將軍見之賜以時服三十領○四月
 幕府賜大坂天滿孝子源長大吉兄弟白金○五月
 命紫野邦彦岡田恕監聖堂事○七月 勅隱岐國
 造上驛鈴○八月紫野邦彦著禁障畫圖考證成○
 九月 皇宮 上皇宮及 恭禮門院宮成足利氏
 時 禁內在土御門烏丸世禊土御門內裏織田氏
 造 宮于今地也奉準土御門舊制豐臣氏亦依之
 慶長中東照公歎 禁內隘阻朝儀難行增拓其東
 北新作之亦奉準其舊制至是更 勅幕府改造紫
 宸清涼二殿起兼明玄輝朔平三門兼明左右廊及
 河竹吳竹二臺廢唐門等以復上古制 櫻町宮正
 門故南向至是更為西向矣隱岐國造以驛鈴來上
 故事 帝行具驛鈴因徵之國造世主水若酢祠傳
 此古鈴及反予賜黃金一枚幕府減省外船歲額先
 是清船十二艘紅毛船二艘紅毛給銅百萬斤至是
 減清二艘紅毛一艘紅毛給六十萬斤自慶長年間

三月巳朔 庚午

紅夷歲詣江戶貢獻至是命改五歲一貢○十一月

夜江戶甘露降二十二日 主上自聖護院 徙御

新宮即夜謁內侍所二十六日 上皇自青蓮院

徙御櫻町宮皆縱民觀儀衛 帝親製詩賜大將軍

曰遙慕周文囿不羨漢武臺舊章一是從新築本非

催百工忽告竣整駕自東回拭目向城雉城雉亦美

哉兩殿應規矩四門總崔嵬燕雀繞簷集櫻橋接階

裁豈其為逸豫講禮共徘徊委佩群僚會將幣九州

來素心既已足起卧感鹽梅欣然歌思動乙夜薄言

裁 上皇亦賦和歌賜大將軍曰曙濃都俱利眉珂

幾陀智多屢羽玲支譜農浮浮魯瑪美詠縷耶摩吐

琥登能波○十二月 勅自朔三夜奏神樂于內侍

所四日 恭禮門院自妙法院徙居烏丸宮琉球使

宜野灣王子來獻幕府大將軍領賜名刀於老中松

平定信勘定奉行久世丹後守栞生久通作事奉行

安藤越前守京町奉行菅沼下野守池田金時等以

慰造大內之勞餘賜黃白金時服有差大宮街九條

北有孝婦名察初十四歲亡父乃事父十餘年以母

老罷歸傭賃養之人勸索夫婿辭曰從夫則事母不

任意是歲里正謀害廳得賞金固辭曰孝順於親當

孝婦 察

次良
產

然之事豈戴褒美哉果上言則妾行時年已五十未
 醮男子松平定信賞其封內磐瀨郡鏡沼村常松次
 良多舉他產子與祿五十斛次良家世村長至次良
 篤志賑濟村人難租徭及求馬婚葬等費皆貸予不
 責不償仁井田村居民耗散殆盡寶曆中命兼之長
 無幾戶口復舊與祿十五斛州俗有一二子餘產不
 舉白川屢禁不止次良以謂越後也與州同地頭而
 多人雖乞食無不舉子迎彼女嫁州人則惡俗必易
 矣遂請白川多延越後女子自辦其費鞠之于家醮
 入果皆舉產於是又賞其功命監郡中先是中將伊

達宗村從儒士田邊希文巡視其封內次某村希文
 夢嬰兒數十人挽已衣既覺聞人言曰此村生女不
 舉文愍然以告宗村因定每生女給米一石錢五百
 制云○三年二月琵琶湖綠毛大龜出四位以上諸
 大名使使奉賀 宮成還御○三月十三日 勅修
 後白河帝六百年忌齋于安井蓮華光院左中辨
 藤原祖定奉行大將軍奏自今廷臣東下諸費幕府
 給之蕃舩二艘漂泊熊野浦清人二口雜其中呈蕃
 書又呈漢文曰本舩乃是紅毛舩地名花其載貨物
 乃是銅鐵火炮五十具在中華國赴皮草國者無經

貴地偶風波漂流至此在貴地五日之間不好風而

在此好風即日去此本船人童百口云云四月土吏

往檢之未達發銃而去○五月幕府賜京師町返孝

子清七白金清七九歲父没母携之再嫁繼父久疾

清七年十餘鬻菜鮓養父母每隱不瞻頭有利迎醫

者祈神佛父所嗜皆求而進之喪後益愛異父弟誨

以孝母○六月朔以第一皇子禮仁為親王明日薨

○八月六日東海大風箱嶺崩水涌出流塔澤氣賀

兩溫泉浴場溺人小田原至江戶海溢漂没民舍輔

平辭關白二十日以左大臣輝良代之補藤氏長者

聽內覽賜牛車是日大風倒五條橋欄折祇園喬樟

及春日山樹三千餘株久留米大水○九月正二位

權大納言西三條藤原實稱薨年六十五子廷季嗣

幕府發倉賑江戶飢○十月大坂火江戶置醫學館

命多喜安長司之洛西民掘西寺趾得方一間許礎

石若干西七條村之南鹽小路南田時出古瓦色如

古銅有記曰西寺或傳西寺趾在九條朱雀西三町

○十一月經熙辭右大臣二十八日以內大臣政熙

為左大臣權大納言治孝為右大臣權大納言源信

通為內大臣○十二月江戶火○四年正月六日以

家孝復辟內大臣兼右近衛大將罷十四日以賞季復為之○二月六日以權大納言藤原忠良為內大

臣兼左近衛大將權大納言藤原實起兼右近衛大將十四日以權中納言藤原廷季為權大納言叙正

二位○閏二月幕府郡代伊奈右近將監以罪褫邑○四月朔嶋原地暴熱果樹盡萃自閏月溫泉岳焚

至是夜前山裂大發火輝西海麓大涌熱水多溺人海亦火見大溢破嶋原佐賀肥後天草民居嶋原溺

死三萬人肥後溺死二萬人前山在溫泉下嶋原上○五月大坂災享保中幕府令京師大坂等諸儒設

學舍教庶民於是中井誠之應令立一覺于尼崎街名懷德堂其師三宅正名為祭酒正名沒誠之純禎

積善相繼為教授至是積善以堂延燒上書幕府請再造仍賜金三百兩修之新井祐登歿字謙吉江戶

人居京師號白蛾倡占筮業屢有奇驗最明河洛圖緯之要兼通國朝典章著古易精義周易精蘊本義

考啓蒙考老子形氣國名解其他甚多弟子真勢達富號中州精修筮法有所發明著復古易易學楷梯

等後世日者多宗之此間有片岡基成者尤精周易亦善占筮或問曰先生師何人友何人曰師日月寒

易

溫泉

月台并刊三月巳開

十二

其見妻或反

暑四家友子服惠伯嚴君平二人四師雖在九霄每
 往來令我知盈虛存亡之編陰陽消長之微二友雖
 隔千歲暗通莫逆之交也著周易解易林圖解左傳
 國語占例考世說解難等○六月十八日夜江戶有
 火大如笠自西南飛東北光照天地○七月十三日
 至二十一日東海道原吉原之間海溢行旅不通江
 戶災小石川郭門九段坂厩延燒幕府發金賑貸千
 石以下遭火者○八月所司代太田資愛罷○九月
 幕府於聖堂始科試令寄合以下士應之及第者賜
 時服銀帛有差自後四歲一試以相換守堀田正時
 為所司代○五年正月七日江戶地震二十七日議

江戶
始課

江戶
親明
召發

奏前大納言藤原愛親前大納言藤原公明以幕府
 召發京二月十日至江戶初上欲尊生父太宰帥
 親王為太上天皇令傳旨於幕府幕議以為主
 上繼統固為父子之義豈有上帥宮尊跡之理遂召
 二卿問之○三月四日以有栖川紹仁為親王七日
 幕府杜愛親館門禁公明出行十日二卿發江戶既
 歸京師○四月大將軍又進閑院太宰帥親王廩粟
 二千石左兵衛佐藤原公碩卒權大納言四辻公享
 之子是為西四辻家祖○五月山城宇治橋成自寶

著者
博覽

魯西
亞使
來

曆中不修此橋至是幕府再造之○七月幕府置和
學所命塙一司之一兒玉郡保巳村人幼歲失明習
絃歌任檢校殊好讀國朝古書寶曆中往江戶師事
萩原宗固博學洽聞時無及之者嘗悉訂正古載籍
定神祇官職律令系譜和歌物語管絃文筆等數百
部上之木至是為幕府和學文政初致仕來京師卒
○九月魯西亞女王豆和屢奴浮使阿陀牟等至蝦
夷根諸乞通好互市歸我民二人大將軍臨吹上觀
二人二人伊勢白子船稍也天明初駿河洋遇颶漂
至魯西亞居十二歲至是得回○十月十七日以一

乘院尊映法親王叙一品賜牛車○十一月幕府遣
目付左近將監石川忠房目付村上義禮等至松前
諭阿陀牟曰此地不豫外事而邊有長崎若復宜詣
焉然勿再致書至互市不許之乃遣歸○十二月二
十四日以欣子內親王准后○六年正月江戶災虎
門延燒○二月幕府令諸國嚴禁奢靡器服○三月
朔大婚准后欣子內親王為皇妃自 恭禮門院宮
乘牛車而入關白輝良右大臣治孝等從焉縱民觀
儀衛准后欣子內親王朝 上皇于櫻町宮七日拜
皇后稱中宮十日自 上皇宮乘葱華輦還 內

西人
應舉

右大臣治孝以下公卿從焉所司代正時等陪從縱
 民觀儀大將軍使侍從隱岐守松平定國等朝賀立
 后以關白輝良夫人得子叙從三位○七月六日閑
 院太宰帥親王薨年六十四 詔追尊自在王院葬
 于廬山寺子彈正尹美仁親王嗣秋葉山鳳來寺間
 之山上水涌出漂壞人家○自六月不雨至于八月
 鴨川不漕○九月十五日遣權大納言藤原愛德等
 修放生會以太宰帥親王喪遷延之○十二月第二
 皇子俊宮薨○七年六月江戶大雷○圓山應舉歿
 本名仙嶺丹波穴太人入京師學探幽畫法於石田
 友汀迥然出藍既而歎時畫事模擬遺形似專應物
 寫形成一家最善花鳥兼工人物山水歿年六十二
 其二子應瑞應受應瑞子應震並能畫弟子長澤蓋
 雪渡邊南岳森徹山吉村孝敬駒井源琦西村楠亭
 山口素絢與文鳴等或善猛獸鱗魚或能花禽人物
 皆名世○十月十四日以左大臣政熙補藤氏長者
 聽內覽從一位關白一條藤原輝良薨年四十子忠
 良嗣○十一月十六日以左大臣政熙為關白賜隨
 身兵仗牛車晦日 恭禮門院崩年五十三葬于泉
 涌寺○八年四月關白政熙辭左大臣二十四日以

月... 三月巳開... 其見妻... 友

右大臣治孝為左大臣前內大臣家孝為右大臣賜
 隨身兵仗二十九日京師雨雹鳥羽甚○九月右大
 臣家孝罷二十六日以前內大臣賞季代之○十二
 月賞季罷二十二日以前大臣忠良為右大臣權大
 納言實起為內大臣琉球使來獻幕府○九年二月
 四日以幕府嗣子家慶為權大納言叙從二位遣前
 大納言藤原經逸前中納言源有政就江戶拜之○
 三月大將軍使左衛門尉酒井忠温等朝獻謝恩二
 十七日以左大臣治孝嗣子權大納言齊通為內大
 臣○五月 帝學琵琶於前右大臣賞季○八月築
 天文臺于三條朱雀將測景正節故於京城正中起
 之五日以伏見貞敬為親王○十月十九日 詔天
 文博士安倍泰榮改曆法至十二月成賜名寬政曆
 頒行天下 上皇傳古今集于 帝○十一月以詔
 仁親王為中務卿清人翻刻七經孟子考文二百卷
 是歲以之來貢○十年正月松前火○四月美濃大
 水浸加納城○五月都南齋於方廣寺庭書雙鉤壽
 字豎九丈橫七丈餘○六月方廣寺堂中有一蝠大
 倍鴻雁張翼止柱頭旬餘不去○七月朔雷震方廣
 寺災安永中雷震此堂也良隅飛簷為之破修補至

造寬政曆

大蝠

寺災安永中雷震此堂也良隅飛簷為之破修補至

月台竹引
 三月巳日
 未
 見
 見
 見

是成復農良隅遂燬門廊延燒時人異之十九日以
權大納言藤原實祖為內大臣右大將如故○八月
足守大名淡路守豐臣利虎有罪幕府奏罷之余其
子利徽襲封○九月 上皇召智積院僧浩然書御
障浩然薩摩人嘗獲董其昌真蹟法華經會得其法
擅名京師弟子僧道本書法渾厚源敷清京師人○
十二月十三日以權大納言藤原實種為內大臣兼
右近衛大將補右馬寮御監○十一年正月以參議
權中納言源治濟為權大納言叙從二位後陞從一
位大將軍命攝津守堀田正敦豐前守堀田正毅等
撰武門寬永以來宗支冊尋合之寬永系圖傳名寬
政重修諸家譜至文化中成一千五百卷○二月所
司代侍從堀田正時罷備前守牧野忠精代之○三
月遣右中辨藤原資董修役小角千百年齋于龍安
寺謚神變菩薩十六日以權大納言藤原基前為內
大臣權大納言藤原愛德兼右近衛大將大將軍奏
割松前志摩守源章廣封以其箱館以東直隸幕府
易賜以武藏久良喜地遣書院番頭信濃守松平忠
明勘定奉行石川忠房日付羽太正養等于東蝦夷
奧地撫夷人教交易命南部大膳大夫源利敬津輕

明治新史十三朝紙聞卷六
其新撰補抄

竹山

越中守藤原寧親遣其士卒成箱館○五月以宇佐
 廟官宇佐公占叙從三位輪王寺公澄法親王為天
 台座主尋賜牛車金澤地震海溢衝宮越中并積善
 以其所著逸史獻幕府仍賜葵章時服二領及金此
 書自東照公誕至其薨凡十三卷積善字子慶蒲竹
 山誠之之子與弟積德同學五井純禎各博覽能文
 積德字處叔跡履軒著通語自保元至元中凡十卷
 積善二十曾弘曾編並有學行曾編繼懷德堂曾弘
 弟子西浦德風鳴下郡人純禎大坂人持軒守任之
 子受朱子學於乃父不尸祝之又好國學能和歌著

瑣語質疑篇非物編等○六月前右大臣近衛藤原
 經熙薨年三十九子基前嗣長崎奉行飛驒守中川
 忠英推問清國俗於其舶孟世燾費肇陽等錄為一
 書曰清俗紀聞○八月以宇治禰宜荒木田經高叙
 從二位嘗奉勅禱于大廟故特陞之○十一月
 二十六日帝賀上皇壽六十勅伶人作樂于
 禁中上皇觀之○十二年正月前權大納言藤原
 紀光薨紀光博學能屬國文嘗著閑窓自語以傳其
 所見聞正二位權大納言西三條藤原廷季薨年五
 十一子實勲嗣二十二日中宮生皇子溫仁○二

明治新史十三朝紀聞
 卷六

廿二
 其親樓藏板

明治新史 十三卷 新開 卷六 其新撰者

戊幹

江戶 徵惟

月二十一日妃勸修寺氏生皇子寬宮○三月大將軍使六角某朝賀降誕二十六日以儲君溫仁為親王○四月四日薨以儲君喪廢葵祭愛宕山祠火○五月幕府遣目付渡邊胤大河內政壽勘定三橋成方等戊幹鱸鮒諸嶋幹鱸鮒東蝦夷北界在箱館北三百里○七月雷震金剛峰寺大塔○八月先是老中松平定信奉教徵諸國孝順忠貞救濟諸良民狀使林信徹柴野邦彦等撰次之至是成名孝義錄凡五十卷刊之賜版于書戶須原以布民間○九月幕府徵廣嶋儒員賴惟完完家大坂初師宇野鼎門人

片山猷後從佐賀文學古賀樸更宗程朱善文知名至是與鹿兒嶋赤崎貞幹等同命講讀于聖堂二弟惟強惟柔並好學柔仕廣嶋頭政績是歲富士山許婦人登拜○辛酉享和元年正月江戶火○二月五日改元享和○三月十四日遣權大納言藤原愛德奉宸翰于大廟告革命兵庫助土定賢祭主大中臣寬忠小舍人齋部康寧奉幣納神具七櫃神馬三匹焉幕府遣納戶戶川安倫大河內政長巡視蝦夷地○釋頭常歿常字大典號竺常近江人居京師相國寺博覽多通能屬文工詩及和歌自幼從宇野

月給新刊 三期也 卷六 計四 其親撰者

騷動

昂學云歿年八十三○六月所司代牧野忠精還江
戶出羽民大起侵劫山形上山高畑等地山形秋元
知朝治所上山松平信愛治所高畑織田信浮治所
仙臺伊達周宗米澤上杉治廣亦發士卒守封疆出
羽陸奧騷動踰月亂民稍稍退散初上杉治廣兄治
憲英明專志政治安永初召紀德民聽之說周歲悉
革弊政尋建興讓學舍再召德民與俱巡行部內懇
問疾苦遍賑給之治廣繼世襲任彈正大弼亦能濟
部內聲聞天下高畑上山山形民望之已三十年至
是遂峰起請其地頭做米澤治云紀德民歿民細井

如素

氏尾張人式部大輔長谷雄遠裔也母姓夢三辰既
生眉間有七黑子成七星象幼好讀書未冠上京師
求明師不得而歸請父母多買經籍自言此吾所師
也及秋元維寧來講尾張善其學師事之教授江戶
知名安永中權中納言源宗睦辟為侍講司明倫堂
始置鄉學命巡講焉聽者皆感喜流涕愚夫愚婦亦
為之化曾說米澤亦論得失省政刑百姓大被其澤
呼為大慈悲生如來歿年七十四著諸經古傳平州
小語嬰鳴館遺稿獻芹錄○七月幕府以所司代牧
野忠精為老中大炊頭土井利厚為所司代○八月

明倫彙編 家範典 卷六 其親禮 卅四

十四日 勅放生會使參議左中將藤原實光兼告

本居

革命 ○平宣長歿長本居氏舜庵中衛鈴屋皆其跡

也伊勢松坂人徙居江戶初業醫後從賀茂真淵精

修國朝古學為中興祖著古事記傳馭戎慨言玉加

都摩宇比山踏等一時官民咸推服焉或以為我邦

孔子好事者圖像傳世歿年七十二後有平田篤胤

者志弘宣長學詣其墓自矢為弟子著古道大意等

○十二月五日雷震四天王寺災二十五日辰時日

有三暈正四位下中務少輔藤原仍孝坐竊御劔廢

為庶人奔市中 ○二年正月十六日揭榜于紫宸殿

兼明門兼明明書博士甲斐守賀茂保考書之 ○二

月十五日遣權大納言源前秀藤原胤定等于北野

廟修九百年齋幕府奏始置蝦夷奉行以羽太正養

戶川安倫為之授正養安藝守安倫筑前守尋改稱

箱館奉行是月至四月諸國疫幕府發錢米賑江戶

病民 ○六月雷震大和招提寺浮圖災自天平寶字

創是寺未曾有火災至是亡其古塔東國大水沒深

川市舍流箱嶺浴場二十九日大水淀河決伊加賀

茨田讚良若江諸郡成湖自是收方以西河道涸運

船由河內通幕府築塞伊加賀至十一月河道復舊

河內大水

明治新史 卷六 其親楊樹松

出白雉

大坂諸商爭漕食物衣器賑河內疲民京商亦賑之
○九月七日以邦賴親王叙一品賜牛車○十月幕
府以所司代土井利厚為老中下野守青山忠谷為
所司代二十八日住吉四祠並災○十一月山城地
震○三年正月二十二日遣右近衛權少將藤原雅
光等奉幣于住吉祠謝災○閏正月攝津九條嶋白
雉出上之幕府○十月朔伊豆大嶋之山焚二日其
灰降于江戶○甲子文化元年正月以負敬親王為
兵部卿幕府以所司代忠裕為老中丹後守稻葉正
備為所司代○二月十一日改元文化二十四日使

傳法夷蝦佛

使奉幣于七廟告之大垣火○三月十四日遣右
近衛權中將藤原公說奉幣于宇佐廟告革令○五
月幕府奏傳天台臨濟淨土三教于蝦夷創等樹院
國泰寺善光寺三刹善光寺踰大白山至冬江戶僧
莊海奉教往東蝦夷弘淨土宗明年歿焉蝦夷有佛
法始于此或傳昔松前氏築小堂于白嶽安釋迦像
莊海所往即其處○六月莊內坂田等地大震山崩
填象瀉廬舍盡壞人畜死無算初幕府欲停韓使入
內地令對馬守宗義功傳教曰自今聘獻受之對馬
至是義功反命曰朝鮮奉教將入貢○七月大僧正

明治新刊 三月 明治 卷之六 其親補補

三寶院高演奉勅詣大峯○九月高田火魯西亞
 王埤麻殞陀羅馬使吟咱涅吐等至長崎獻書及方
 物乞通好互市再歸我民四人幕府竟弗聽互市明
 年二月遣日付遠山景晉于長崎與奉行豐後守把
 田賴常俱傳其命仍賜米百苞鹽千苞綿若干斤給
 薪水遣歸癸丑之秋阿陀卒至根諸也及還賜一牌
 因曰如再送歸漂人以此為照矣魯西亞誤謂將許
 互市故給之吟咱涅吐來素奉其意仍固請不止然
 賴常抗辯使空還云我民四人仙臺船稍也寬政癸
 丑冬此儕十六人磐城洋值颶船壞東北漂甲寅夏
 始著一嶋曰蘊提戾都蛤其地殆戴北辰常有冰雪
 不生草木嶋人穴居食魚衣皮魯西亞所開也乙卯
 四月附其課船西南六月至屋和都蛤港亦魯西亞
 所開而時候如我春分既為吏所誘乘馬而西多經
 曠野六閱月抵伊留歌都蛤其地雖寒稍饒亦魯西
 亞部落也廳司召漂人問所從來有一譯人言吾白
 子漂舶留居已久生三子漂人初為廳所鞠寓譯人
 後辭各營生產居八歲魯西亞王徵之皆乘駟晝夜
 西北五十日至王都館大臣宅時享和癸亥五月也
 已喪六人既望王召見十人親問以還否四人求還

我民至魯西亞都

月台所刊
 三月已開
 其親撰補本

餘乞留四人在都四旬王待頗厚觀以寺院戲場短
 人珍器異花禽等王繼先志欲再乞互市故延見之
 於是發使船送四人六月西航二十餘日泊漢火刺
 既左望阿蘭陀而南十月泊南亞墨利加國伯刺西
 兒港其地常熱草木繁茂多產米黍土人裸跣食黍
 貿米在港七旬修船又南甲子春抵其國極南之海
 寒如北方折之西北過我東洋六月泊加摸楮都哈
 亦魯西亞部落而北與屋和都哈接壤南望我蝦夷
 加摸楮冬日海水則運薪於屋和每舟駕狗數十頭
 一人牽之水路二百里加摸楮與蝦夷間連小嶋二
 十一其十八屬魯西二屬 本朝每嶋相距一二日

程云七月發加摸楮過我南海至是歸至長崎其水
 路自魯西王都一萬餘里○二年二月妙法院真仁
 法親王適江戶相見大將軍○三月十六日遣藏人
 左少辨藤原建房于比叡山修 桓武帝十年忌齋
 行法華八講○四月二日遣藤原建房于安樂壽院
 修 鳥羽帝六百五十年忌齋○五月幕府奏增越
 中守津輕寧親封其連年力營蝦夷故○八月一品
 妙法院真仁法親王薨○十月二十三日 勅天台
 座主尊真法親王落御學所天明災此殿燼是歲新

月台新創
 三月
 其新樓君林

江戶大火

作之而成○十一月廣嶋火，少老出雲守立花種周坐違教停役○三年三月四日江戶，泉岳寺前失火，會南風猛烈，火漲府下燒大名邸六十餘區，旗士以下館舍千百餘，宇民屋百二十七萬餘間及神祠二十八社，佛寺千三百餘，刺焚死千二百餘人，幕府周賑市巷，每人與米三升，錢二百，又於節違神田常盤等八處為食施予，至四月而止，諸大名尚賈亦賑之○五月幕府以伊豆守松平信明為老中○七月聖護院盈仁法親王奉勅詣大峰，自六月諸國旱至于是月○九月魯西亞兵艦一艘寇西蝦夷，辛太焚

臘高柵掠粟，執戌卒四人而去，臘高柵松前所置○

十一月近衛中將薩摩守源齊宣率琉球使讀谷山王子詣江戶，王子獻方物，告其主繼世大將軍見之，數日再見命伶童奏樂而聽之，賜琉球王白金五百枚，綿五百屯，王子白金二百枚，時服卜領餘賜有差○四年正月權大納言兼左近衛大將九條藤原輔嗣薨，年二十四，弟尚忠嗣，幕府以播磨守阿部正由為所司代○二月朔詔修左右衛門權大少尉大少志左右兵衛權大少尉大少志左右馬大少允，每官十員，凡二百人，藏人頭左近衛權中將源重能奉

明治新史 十三朝紀聞 卷六

四

其親櫻菴

行聖護院盈仁法親王詣幕府大將軍相見之贈以
 白金五百枚綿五百屯○三月松前城主源章廣有
 罪幕府奏收其封徙之于陸奥梁川自是松前及西
 蝦夷亦直隸征夷府於是南部津輕所遣箱館守兵
 分出戊東而蝦夷○四月十三日魯西亞兵艦二艘
 寇幹鱸鮒焚名蘭穗柵執戊卒三人二十九日進犯
 舍那寨時戊兵僅數十人力戰殺賊若干人其夜賊
 兵潛登寨後菜世鹵山發大銃我兵皆退保蔓米羅
 山賊乃焚寨掠器械去泊隴高幕府飛檄東陸諸藩
 嚴備之命仙臺伊達周宗秋田佐竹義和守松前○

多錄異

五月賊自隴高抵理井尻嶋焚抄船數隻使疇日所
 捕卒太四卒齎書給舟放歸四卒著箱館納賊書告
 其意曰敢乞互市不聽明年大舉來攻東西蝦夷皆
 川愿歿愿字伯恭誦淇園京師人能文工書及畫嘗
 甫十五與韓人唱和于席上愿詩皆佳韓人咸嗟嘆
 著詩經繹解名疇問學舉要等○六月幕府遣老中
 攝津守堀田正敦大目付飛驒守中川忠英目付遠
 山景晉等巡察蝦夷地彗星見西南踰月不滅時又
 有幕府竹橋門内大松樹無故而折江戸水川神祠
 落未幾自壞胡蝶群飛於板橋巢鴨之間等異○七

月台新刊
 三月
 月台新刊
 三月
 月台新刊
 三月

月幕府漕軍糧一萬五千斛于箱館○八月深川八
 幡會會永代橋折弱死千五百人○九月京師近江
 伊勢大風折木破屋二十二日以皇子寬宮為親王
 命諱惠仁○十月幕府奏始置松前奉行以河尾肥
 後守村垣淡路守為之遣鍊炮方井上左大巡視下
 田浦賀諸備安房上總海岸○十一月江戸高輪海
 獲異獸時謂為蘆犀大將軍徵觀之○十二月幕府
 命保科容衆伊達周宗發兵屯蝦夷諸要害命吏小
 菅正容村上義雄山岡景胤夏目長往督之備寇明
 年正月正容等四將發江戸會津仙臺兵六千二百

江戶徵彦

餘人屬焉柴野邦彦歿彦字彦輔號栗山又古愚讚
 岐人受業高松後藤世鈞博學善文嘗慨宋學衰廢
 極力起之名動京師天命中幕府召皆川愿不起更
 徵彦為侍講大用世推為朱派中祖歿年七十二子
 碧海弟貞毅亦以儒聞○五年二月八日 勅改鑄
 太政官印藏人頭源重能奉行○三月四日以閑院
 孝仁為親王後累進常陸太守式部卿遣右中辨藤
 原明光于醍醐寺修聖寶九百年齋○四月二十八
 日以僧正梶井兼真為親王幕府起煩臺于相摸三
 崎燈明臺觀音山伊豆下田安房洲崎上總百盡六

用...
 月...
 其親...

所命浦賀奉行石見守岩本正倫掌事○六月加賀能登越中大水○七月武藏下總大水傷禾○八月十五日諳厄利亞賊船一艘來泊長崎海中即夜乘子舟竊入浦抄掠民家遂上書奉行圖書頭平康英乞糧牛薪水康英飛檄州及筑後將燒夷之十七日夜賊忽遁去康英大悔失機自殺以謝幕府○十一月初正容義雄景胤長四將抵蝦夷也分守松前箱館辛太幹鱸射諸所而以無一寇來是秋罷歸江戶至是仙臺會津諸將亦罷守引兵而還○十二月幕府奏命盛岡城主南部利敬總督西蝦夷弘前城主

安曇地陷

津輕寧親總督東蝦夷進利敬侍從寧親四位各益封○六年正月江戶火浙江商舶二十七人漂泊日向福嶋○二月幕府以若狹守酒井忠進為所司代二十一日安曇郡山中鳴動及二十四日昏其地南北五百間東西九百間破裂中谷等四村與山野陷入地中人畜無恙○三月二十四日立惠仁親王為皇太子右大臣忠良傳之以小御所為假東宮幕府修之至五月成○四月七日皇太子進覲大將軍使掃部頭井伊直中土佐守戶田某朝賀立太子○七月大坂大水天神橋敗者二十間天滿橋傾○

月台新刊 三月巳開 卷六 日三十一

上皇壽會

八月伊豆相摸以東大風拔樹破屋○九月初再造住吉祠至是成大坂火○十二月十四日帝賀

上皇壽七十作樂于宮中僧玄瑞歿瑞瑞月仙山

田寂照寺主初學畫於雪關後法元明古蹟工畫人

秋女画山

物雪關櫻井氏江戸人其女雪保字挂月號秋山學

乃父善畫山水人物猛獸大障巨軸筆力愈旺男子

亦難及焉雪關弟子僧鸞山居淺草誓願寺有名聲

○七年正月朔佐渡地大震連日不止秋葉山寺災

小野職博歿博主殿寮主事佐伯職茂之子自號蘭

山徵蘭

末幕府徵之時年七十著本草啓蒙廣參說十品考

臺延小續弟子山本世孺字永吉京師人精研本草

醫學著格致類編三十卷百品考洛醫彙講醫學字

林大和本草拾遺懷中食性子錫夫章夫並紹其業

○四月以梶井兼真法親王為延曆寺座主○九月

十八日詔第五皇子盛仁紹京極殿封改第名曰

桂殿自公仁親王薨空第四十年至是皇子出居焉

○有年○十一月參議左近衛權中將源治紀上表

進大日本史綱條已來四世校補此書無怠治紀嘗

遭幕府催督將鏤版之因奏請公大日本史之名

水戸大日本史

明治新刊 三月巳日 卷六 四二四 其見...

帝許之。水戶氏世願獲伸，乃急付梓。至是以紀傳二十六卷刊就者，先獻餘將續納云。○八年二月，江戶大火。○閏月三日，皇太子始讀書。十四日始讀紀傳。○三月十六日，皇太子元服。右大臣兼東宮傅忠良加冠，權中納言兼東宮權大夫藤原家厚理髮。朝鮮使通政大夫金履喬通訓大夫李勉求知中樞府事去義洵以下三百六十餘人至對馬上書獻物以賀幕府。繼世幕府遣侍從大膳大夫小笠原忠固中勢大輔脇坂安董莅對馬守宗義質府中城受之。大目付目付儒員林衡古賀樸等副之。至六月，賜答書及物遣歸。韓王獻大將軍人參三十三斤，黃蜜五十斤，清蜜五壺，大綸五匹，大緋五匹，苧布三十匹，綿紬二十五匹，麻布十五匹，虎皮七張，豹皮十張，青皮十五張，魚皮五十張，花蓆十隻，色紙十五卷，色筆三十管，真墨三十笏，扇子十柄，良鷹十頭，鞍馬一頭，獻世子大納言人參三十斤，大綸五匹，綾子十匹，苧布十五匹，麻布十五匹，虎皮五張，豹皮七張，青皮十張，魚皮五十張，色紙十五卷，色筆三十管，真墨三十笏，硯花三池，扇子五柄，鞍馬一頭，履喬勉求亦共獻大將軍大納言虎皮各三張，豹皮各二張，苧布各五匹。

遺忠固虎豹皮花布麻布等禮曹某亦遺之虎豹皮
 花布紙筆等大將軍仍賜韓王畫屏十雙青海波輪
 臺數手貴德拍鉞打球諸樂器馬裝十具色縑五十
 匹赭縑五十匹硯紙等賜正使履喬副使勉求白金
 各五百枚綿各三百屯其餘賜白金有差大約言賜
 韓王大卓一隻色綾五十匹綿三百屯賜履喬勉求
 白金各二百枚綿各百屯餘皆賜白金忠固亦遺履
 喬勉求禮曹賜韓屏風畫源賴信渡海源義家望鴈
 三位博雅受芭豐原時秋傳笙源賴朝獵富士野堂
 上放鷹櫻町菊亭春秋花鳥四時山水月下古梅野
 馬牧牛漢船諸圖狩野住吉描之○五月十六日以
 皇子盛仁為親王明日薨年二歲魯西而將伊利古
 留船至理并尻八人上陸詣泊崎柵言語不通成兵
 執八人發銃却船○吳春歿春瑞月溪京師人松村
 氏隱吳服里因改吳為妙法院畫員初師醉月後學
 謝寅寅歿後法應舉自成一家最善山水長人物艸
 木花實新奇妙絕時無等倫嘗屢畫于宮中歿年
 六十弟子岡本豐彦備中入山水人物花卉禽獸皆
 能之名噪四方柴田義董工人物山水小田海仙為
 萩藩畫員居京師初守春法後倣元人善山水人物

善畫
吳春

花鳥紀東暉亦後倣吳道子工畫佛○十月五日修

後挑園帝三十三年忌齋行懺法講于清涼殿天

台座主兼真法親王主之至九日畢二十日賜兼真

法親王牛車幕府賜二條市人張者及婢白金十枚

賞其俱事孤主忠又賜清水側孝子榮次淨福寺街

孝子莊八坂鄉孝子千助廣福王邑孝子重白金各

若干枚幕府右筆尾嶋定奉教輯錄天正寬永間之

事實成曰天寬日記○九年四月左近衛少將越中

守源定信辭老中定信田安中納言宗武次子於大

將軍生父權大納言為從兄弟出繼久松定綱八世

白川木工頭定邦冒松平氏至是退隱自號樂翁為

人多才以好經書博覽能文好畫其為老中務修仁

政公平賞罰力行教化嚴禁侈靡舉世倚賴之嘗擢

柴野邦彦尾藤肇古賀樸赤崎貞幹賴惟完及府士

岡田恕等以再興程朱之學使天下士庶復嚮之所

著有國本論求言錄資治清要鸚鵡言傳于世○山

本信有歿有字喜六居江戸號孝經樓又北山從井

上立元受業自建別幟文章絕美有盛名嘗編輯國

朝典話曰事類集成凡一千卷纂輯國朝事跡載于

西土諸書者曰日本外史凡四十五卷又著孝經集

北山

月台行刊一三月巳月一六六
其見書載反

復滿北祭

覽較定孝經春秋孔志論語集說經義撮說其他猶多龜田興字穉龍號鵬齋江戶人與有同師善屬文亦自為說從學甚多著大學私衡中庸辨義善身堂一家言○六月七日詔修賀茂石清水臨時祭寬平元年始行賀茂臨時祭天祿元年始行石清水臨時祭並為恒例久行天下擾亂因廢者數百年累世天子歎懼欲復之乃有是命大將軍奉勅納其費自明年行之○八月伊利古留再至理井尻使吾邦三人上陸請歸八虜不予伊利古留亦見柵兵動火器廻舳遁去三人一幹鱸鮒戌卒嘗為賊執者二

八歲而產

尾張安藝商人漂至魯西者於是皆回○九月下總藤代驛女年甫八歲產子女名時初四歲有經水其父以為疾救藥無驗及懷妊以其固無匹配尚謂脹滿至是月三日旦生男母子無恙乳亦滋○有年○十一月四日江戶地大震加奈川程谷二驛尤甚民舍壞○十二月日光火寶庫延燒○十年正月從一位前左大臣鷹司藤原輔平薨年七十六子政熙嗣○三月壬午有事于石清水廟遣參議左近衛權中将源重能左近衛權少將藤原實義右近衛權少將源有言以下四十餘名行之所謂臨時祭是也○五

月以公猷法親王為天台座主尋賜牛車伊利古留復來去歲其遁也洋中掠我商船而還至是使其商船上陸詣泊崎柵上言曰往歲犯幹鱸射幸太等皆屬國加摸楮都哈諸無賴所私而非吾王所知矣王及聞犯罪之禁其赴貴國辛未五月臣等入謝不圖被待如此更請察無他賜八俘○六月紅毛商船以童象一頭來請獻幕府命長崎奉行却之松前奉行伊賀守服部貞勝遣屬吏二人于理井尻報伊利古留曰今歲中獻嚮日舍那所掠器械及入犯謝書則歸八俘賜答書伊利古留大悅還船往屋和都哈九

米斛
銀四
十錢

月反詣箱館壘獻謝書歸器械仍賜書并八虜於是貢方物數品以謝恩却之給糧及薪水遣歸自北邊騷動八歲始平○大有年京師米斛銀四十錢天下殷富○閏十一月三日 上皇崩年七十四稱後櫻町院○十二月頒賜 後櫻町御服於近習臣十七日葬 後櫻町帝于泉涌寺○十一年三月鞍馬山寺災○四月治孝辭左大臣隨身兵仗二日以右大臣忠良為左大臣前內大臣實起為右大臣賜隨身兵仗○七月自四月諸國旱至于是月○八月以陰陽寮司賀茂保敬叙從三位○九月政熙辭關白內

覽藤氏長者隨身兵仗十六日以左大臣忠良為關
白補藤氏長者聽內覽實起辭右大臣二十八日以
內大臣基前代之權大納言藤原愛德為內大臣右
大將如故○十月輪王寺親王東叡山第災○十一
月癸酉有事于賀茂下上兩廟遣參議右兵衛督兼
東宮亮藤原隆純左近衛少將藤原隆道右近衛少
將源有言等行之即臨時祭也古者南北之祭皆歲
行自去年復之各二歲一祀為例○十二年正月關
白忠良辭左大臣四日以右大臣基前為左大臣前
內大臣實祖為右大臣賜隨身兵仗天龍寺火○二
月十七日以前關白政熙准三宮再賜隨身兵仗實
祖辭右大臣二十六日以權大納言藤原政通代之
左大將馬寮御監如故權大納言藤原齊信為內大
臣兼右近衛大將補右馬寮御監○四月遣前大納
言源有庸前大納言藤原忠言等于日光修東照公
二百年齋左大臣基前及青蓮院法親王尊真掘井
法親王兼真詣焉大納言實賢中納言資愛中納言
公說參議雅光近衛中將有長近衛少將基延等在
齋使中五月歸途皆謁大將軍大將軍請雅光蹴鞠
而觀之實賢資愛公說有長基延及伶官十餘人奏

樂而聽之○六月幕府給所司代大坂城代役俸各一萬斛○八月初小倉大名小笠原忠固宰小笠原出雲狼抗專政列宰以下多去國於是幕府以東照公遠忌特減忠固罪禁錮之于其宅幕士仙石政和刊類聚國史六十一卷成此書菅大臣所撰原二百卷經喪亂僅存之云○十二月右大臣政通辭左近衛大將左馬寮御監四日以内大臣齊信代之權大納言藤原公修兼右近衛大將任右馬寮御監政通叙從一位賜隨身兵仗○十三年三月十一日以大將軍為右大臣世子權大納言兼右近衛大將補右馬寮御監賜名刀各一口遣前大納言有庸前大納言忠言等就江戶拜之大將軍使肥後守松平容衆大和守松平直温世子右大將使豐後守織田信順河内守中條信義共朝謝恩○八月十三日以青蓮院尊真法親王准三宮○九月大將軍奉勅修仙洞宮至十二月成○十一月夜伊豆松崎山頭水涌出流舍溺人能勢郡野間莊出野村有一小祠曰八幡宮土人相傳昔檀浦之役左少辨藤原經房等奉安德帝御一艇潛遁源氏艦圍著山陽入山陰稱菅家連枝詣筑紫之歸以東走便駐焉將入京師

出野
安德
帝廟

而聞。後鳥羽帝已立不果。明年帝病崩。鳥羽經房乃立廟奉祀。憚世名。八幡宮。村農下過氏。即經房之後也。此邑自古至今。每歲五月十七日夜。祠前列炬。火以植禾。亦傳。帝病時。村衆作之以奉慰。因以為祭事也。邑內又相禁。狹兒蓄髮犯之。必為。帝所祟。不知何故。或曰。帝靈疾似龍頭。也是歲下過氏葺理屋宇於棟上。竹筒得經房遺書。埋在輕粉中。其紀。帝事大抵同土人口碑。其書尾附經房後系託天正中。蓋束棟已來不載之也。能勢氏觀之於白川。樂翁翁使人鑿之。皆曰六百年古紙也。感歎自題外函。俾能勢氏寶藏之。下過氏准士。○十四年二月十四日。以伏見邦家為親王。尋任上野太守。二十七日。賜御書額於有德公。惇信公。俊明公。孝恭公。四廟。○三月二十一日。京師雷電大雨。雹殺麥苗。二十二日。帝讓位於皇太子。在位三十七年。改元者四。曰天明。寬政。享和文化。天保十一年十一月崩。年七十。帝性聰明。好儒學。精典故。每勗諸皇子。以讀書。故後帝博覽。稍解梵唄。皇女亦或涉經史。或工詞章。帝尤能和歌。神儒釋御製。最為世所傳。其神歌曰也。衛俱毛。瑪波羅布。玳那吐農阿。徽珂稅耳多嘉麻濃。

厄羅能都貴曾誥野計幾儒歌曰伊魯曾浮喜加羅
 俱玲奈比珥素詔氏琥楚野摩堵耳支基能堆吐毛
 巴衛阿荔釋歌曰璵能捺加珥燭記農波智須囊厄
 奈濃美毛阿理氏年那支貴鳴吐邊挪璃圭利 帝
 在位正宮殿制復南北祭修廢官數百員 在院幕
 府奏請舉 帝所欲因修修學院歲幸焉 皇太子
 立是為 仁孝天皇

十三朝紀聞卷之六 終

十三朝紀聞卷之七

正七位下長門掾源 賴矩 校
 德位下行兵庫寮丞兼和泉掾源朝臣照矩編次

仁孝天皇諱惠仁 光格帝第三子也母贈准后三
 位局諱靖子孫 東京極院權大納言勸修寺藤原
 經逸之女文化六年為 皇太子至是受禪時年十
 八關白忠良左大臣基前右大臣政通內大臣齊信
 並如故二十四日尊 光格帝曰太上天皇二十六
 日 太上天皇入見 帝○七月自五月不雨至于是
 月○八月二十一日遣兵庫頭王定賢大官司大中

其見妻...

臣長祥能登守齋部康寧奉幣于大廟告嗣位幕
府奏以備中守阿部正精為老中○九月二十一日
行即位禮大將軍使近衛中將讚岐守松平賴儀
等朝賀四位五萬石以上諸大名亦各使使奉賀幕
府奏徙棚倉小笠原長昌于唐津唐津水野忠邦于
濱松濱松井上正甫于湖倉十月益津山越後守源
康孝封○十二月十二日大婚准三宮政熙女從三
位繫子為女御乘牛車入內縱民觀儀衛大將軍
使使朝賀○文政元年正月以阿蘇祠人阿蘇惟馨
叙從三位十一月宮中非藏人松室陸與失心技

刃振迅大判事勢多章武執之至五月死獄中○四
月二十二日改元曰文政幕府奏始鑄八銖金文曰
二分款曰文重一錢七分五釐○五月益越前守福
井源治好封諳厄利亞船一艘來泊浦賀洋中○八
月幕府以出羽守水野忠成加賀守大久保忠真為
老中○十月二品彈正尹閑院美仁親王薨子孝仁
親王嗣○十一月八日遣王定賢祭主大中臣光忠
齋部康寧奉幣于大廟告修大嘗二十一日大嘗
村瀨之熙歿熙字君績京師人受業武田欽繇為秋
田文學博覽談通善屬文如橘正行墓碑觀者莫不

文儒
榜亭

月拾新刊... 三朔... 卷七... 其...

嘆美有文集傳於世賴襄入京師訪之烈他日謂人曰久太多才吾愛之請為傳言暇日依我究覽襄聞而不含常希慕其文曰世賞淇園文辭不識擣亭為文淇園書法磊落因大著擣亭書學蘇軾而不縱故難著耳若論其文工否不可同日而語矣○二年正月上皇第五子猗宮薨年五歲朝鮮商舶十二人漂至伯耆赤崎浦○二月帝御痘大將軍使大膳大夫土岐賴庸八侯及愈使中務大輔戶田氏敏賀之○五月奏改鑄元字小銀四銖金款以草書文字以別古文字金小銀重三錢五分四銖八分七釐五

米斛
銀三
十錢

毛○六月十二日近江山城伊勢美濃地震蒲生尤甚舍壞人死京師石燈等多倒○九月京師米斛銀三十錢天下比歲登稔穀價年低至是大將軍憐府下薄祿不給每百苞加金五兩百苞實四十斛○三年正月十七日以權大納言藤原尚忠兼左近衛大將補左馬寮御監望月寬里歿里青蓮院臣稱筑後能御家樣與勝見孝友齊名弟子福地光慶守其法孝友亦青蓮臣○二月二品中務卿有栖川織仁親王薨子韶仁親王嗣○三月十四日尊嫡母中宮曰皇太后是春芥川驛北真上村民掘地得石棺內

皇太后是春芥川驛北真上村民掘地得石棺內

幕年史

藏銅牌方一尺許其文略曰武内宿禰命子宗我石川宿禰命十世孫從三位行左大臣辨石川右足朝臣長子御史大夫正三位兼行神祇伯年足朝臣天平寶字六年九月朔春秋七十有五薨于京宅十二月朔葬于攝津國嶋上郡白髮鄉酒並山墓禮也儀形百代冠蓋千年夜臺荒寂松栢含煙嗚呼哀哉○四月從一位左大臣近衛藤原基前薨年三十八子忠熙嗣○六月朔以右大臣政通為左大臣前内大臣愛德為右大臣賜隨身兵仗十七日肥前肥後筑前筑後大水嶋原山崩水漏出損漂田廬多溺人○七月

幕府奏改鑄文字銀以草文為款○十月愛德罷右大臣十五日以内大臣齊信代之權大納言公修為内大臣幕士高橋作翻譯滿州諸書成尋譯魯西亞書○十二月二十三日以女御繫子為准后○四年正月鶴岡八幡祠災○二月九日以上皇第七子悅仁為親王無幾薨諸國疫幕府賜錢米於江戶貧民濟之○三月准三宮前關白政熙適江戶相見大將軍大納言○四月七日以權大納言尚忠為内大臣左大將如故○六月遣藏人右少辨藤原隆晃于比叡山修最澄千年齋六日以第一皇子安仁為

紅夷

親王無幾薨年二歲○七月紅夷以駱駝二頭至長
崎獻幕府長崎民人錢求之牽而上京師觀于四條
金蓮寺內數旬之江戶此獸性遲大三倍於馬色赭
黑頭似鼬頭似鷲脚似牛而長尾亦似牛所謂肉鞍
牡雙牝隻○十一月幕府奏益沼津水野志成封是
歲免梁川志摩守章廣罪再為松前城主鎮東西蝦
夷○五年正月二十一日辰時日有二暈而虹見于
其兩傍至午乃滅○閏月十六日蝦夷地大震數日
乃止○二月六日以右大臣大將軍為左大臣叙從
一位世子權大納言家慶為內大臣叙正二位右大

將如故大將軍夫人嶋津氏叙從二位世子夫人鷹
司氏叙從三位遣前大納言藤原資愛等就江戶拜
焉自大猷公任左府之後莫復拜之於是在職最
久故進之而鎌倉氏已來世子任大臣此為始三月
大將軍使讚岐守松平賴恕內大臣使左衛門尉酒
井忠器共朝謝恩大將軍獻黃金千枚名刀一口良
馬一頭內大臣獻黃金五百枚名刀一口良馬一頭
獻進 上皇 皇太后准后黃金等關白議奏傳奏
及諸嬪皆有黃白金之遺○四月三日准后繫于難產
薨葬于泉涌寺追稱新皇嘉門院明年七月贈 皇

后幕府奏益古河土井利厚等封○五月大將軍奏

請上皇歲數游幸修學院以修養帝大悅許之

修學院自靈元升遐之後就頽圯至是幕府修之

尋所司代信致亦獻橋亭○六月清人徐稼圃至長

崎求村瀨之熙藝日鈇太田元貞九經談劉元簡醫

賸稼圃舫墨梅後嘉永中有墨水道人昂者倣之能

畫之又工謔歌及書昂性寡欲膂力絕人以拳壓堅

厚板作指迹拳打鐵兜凹之箕踞室抹農而壞之

本下館藩臣有故見黜寓大坂及墨艦等來鑄百十

數斤鐵杖曰吾若被赦以此器護主君○八月初慶

士蒲生秀實徧歷諸陵所在以著山陵志或刊之

至是成先是相馬大伴關良助二人有怨望越中守

津輕寧親乃於山羽白澤驛欲銃殺之覺被捕至是

幕府誅之○九月幕府以紀伊守内藤信致為所司

代和泉守松平兼寬為老中○十一月修稻荷社成

十日遣藏人頭尤中辯藤原光成行遷祠儀○六年

三月前左大臣忠良辭關白十九日以左大臣政通

代之補藤氏長者賜隨身兵仗聽乘牛車入禁門

幕府奏徙白川松平定永于桑名桑名松平忠亮于

忍忍阿部正權于白川○四月幕府西城書院番松

月治所刊

三月

卷七

其親指

平外記以私怨斫殺同僚右京等三人自殺焉番頭
酒井忠懿隊長大久保六郎等連坐褫役○七月從
一位鷹司藤原政熙辭准三宮不許辭隨身兵仗薙
髮號樂山子政通嗣○九月二十三日以有柄川懺
仁為親王尋任上總太守○十一月東本願寺災僅
遺庖門一字時會新嘗此暮庖前忽有翁媪二人來
求火吏怪呵曰大節之夜奚與火為持杖追之翁媪
去以笑曰諸國門徒將騷豈知之哉少焉火起於第
中○十二月二日彗星見東方光芒五尺甚微踰年
猶見田沼意次之敗其孫意明特命為下村大名是

異人
求火

歲意明叔父意正徙還相良○七年正月關白政通
辭左大臣五日以右大臣齊信為左大臣內大臣尚
忠為右大臣權大納言藤原經久為內大臣幕府大
番屬吏片山辰世著形政總類成○二月一品式部
卿開院孝仁親王薨子愛仁嗣幕府改鑄二銖銀○
五月十八日以權大納言源通明為內大臣兼右近
衛大將補右馬寮御監○六月四日以權大納言源
經豐為內大臣賜隨身兵仗參議藤原實勲為權中
納言叙正二位前關白忠良辭領攝氏長者二十八
日以權大納言藤原忠熙為內大臣左大將如故○

怪獸

上皇 幸修學院

七月幕府奏始鑄一銖金文曰一朱文上置桐章至
 天保四年廢八日蕃船一艘入寇薩摩寶嶋鹿兒嶋
 城主嶋津齊興發兵討之殺一人餘遁去○八月陸
 奧山嶽水涌出上野上總下總大水十五日夜江戶
 有二怪獸凌空自北馳南形如牛時兩甚而赤氣見
 於雲間照地雨白毛于青山麻布○九月二十一日
 上皇始幸修學院觀紅葉 帝使前權大納言藤
 原隆純侍焉大臣以下前驅關白後果所司代信敦
 等陪從縱民觀儀衛 上皇命群臣賦歌詩賜歌題
 日水樹多佳趣又命奏樂觀自吹笛彈琵琶箏琴有

忠英 列大 名

竹林青海波合歡鹽小娘子千秋諸曲爾後歲一回
 游幸焉大將軍聞鹵簿之美命京師畫人原在明圖
 之於卧軸岡本豐彦補山水而覽之○八年三月
 上皇幸修學院觀櫻花○四月大將軍奏益其侍臣
 肥後守林忠英秩列大名補少老○七月以德川入
 道前大納言治濟准大臣○八月二十三日准三宮
 政熙女從三位祺子入 内補女御○十月二十三
 日 上皇幸修學院是月琉球大飢餓死者多太田
 元貞歿貞字公韓加賀人少能文邁志儒學鄉曲稱
 為神童初從皆川愿又師山本信有後折衷古今諸

說唱一家學著學庸原解論語大疏孟子精蘊九經
談三經談仁說三書等歿年六十一○九年正月清
人送南部商舶五人至遠江納之三年冬為風所漂
著暹羅遂如清清送歸之亦漂至焉○三月二十三
日 上皇幸修學院大舍人助音博士源松苗私修
國史略成是春江戶地數震○四月更裁南庭攝取
之於中勢大丞大江俊常家園上總有盜賊群起所
在抄劫○五月江戶有群盜夜殺掠行路人先手追
捕之○六月松江大洲大水自五月東國旱○秋江
戶地屢震○有年○十月從一位前左大臣二條藤

文恭
公相
國

原治孝薨年七十三子齊信嗣○十一月幕府以周
防守松平康任為老中○十年二月十六日以左大
臣大將軍為太政大臣賜左右近衛府生二人近衛
八人為隨身內大臣家慶叙從一位從一位儀同三
司源治濟薨年七十七明年正月贈內大臣初 帝
勞大將軍在職四十年也欲拜之大相國去歲十月
傳 內旨大將軍固辭不得命三月十八日奉 勅
除服遂拜之乃使掃部頭井伊直亮越中守松平定
永等朝獻謝恩○四月第二皇子鎔宮薨年三歲○
五月幕府奏益篠山青山忠裕封○閏六月大將軍

使侍從青山忠裕等朝獻金二千兩獻上皇銀百

貫錢增關白職俸五百苞諸公卿亦有銀帛之遺

天皇勅忠裕觀修學院復觀蹴鞠于小御所上皇

賜之狩給台後歲納院白金百貫錢充東山幸費

○十一月二十二日賜筑後善導寺祖上人聖光益

曰大紹正宗國師○十一年二月二十七日以德川

內大臣嗣子家祥為權大納言叙正二位○五月幕

府吹上別第火○六月二日賜貞觀寺祖僧正真雅

謚曰法光大師○七月朔東海大水天龍川與小天

天下大風

龍川溢合成河流矢矧橋三十許間十八日天下大

風雨京師拔木破屋西海殊甚且大水肥前筑前筑

後倒漂民房五萬餘間溺壓死者一萬一千餘人彦

山祠扉飄墮筑後松嶋山紅夷商船颺載福佐上部

封地西海及下關亡壞船舶不可舉計是日筑後海

溢後十二日再溢民前後死者三千餘人○八月九

日西海大雨霰二十三日以關院愛仁為親土尋任

彈正尹○九月西海大水山陽山陰蝗二十五日以

前關白忠良准三宮賜隨身兵仗○十月二十八日

以一品公猷法親王准三宮天下禾稼不登○十一

月二日越後上野雨雹十二日越後三條本城村長

三條大地震

月始新刊一三月巳開卷七

江戶大火

岡等地大震三條地裂廬舍盡壞災壓焚死者無算
本城寺堂獨不壞○十二年正月二十八日贈內大
臣治濟太政大臣幕府奏始鑄一銖銀文曰以十六
換一兩背面作法馬圖重七分○三月二十一日江
戶災燒大名邸四十七區旗士以下館舍九百餘宇
市舍十一萬八千間焚死者千九百餘人幕府於筋
違幸橋神田兩國等九處作食與遭火者○十一月
初東寺募衆再造食堂至是成先是京師八坂鄉嫗
修邪蘇教發覺是月與其徒五人皆磔于大坂○十
二月以青蓮院尊寶法親王為天台座主○天保元

新祀官災

京師大地震

年閏三月五日修宇多帝九百年忌齋于仁和寺
十九日夜宇治新祀宮災民家失火會風急與故
廟子祠皆延燒大廟無恙二十六日詔廢朝五
日以新祀災也○五月四日遣參議左大辨藤原顯
孝伊勢守王道賢祭主大中臣光忠等奉幣于大
廟虔謝新祀災二十二日以女御祺子准后自三月
至是月阿波畿內山陰山陽等民爭詣大廟沿道
民施之饒子食物等時呼御蔭依例每人與神符
○七月二日京師及龜山地大震二條城西南壘數
十間與諸第墻寺垣皆壞市舍數十戶倒壓死數人

遺勅至于明年夏七日 勅作新祀宮○八月幕府
西城門番秋元但馬守臣間瀨市與同僚鬪爭殺數
人處斬○十月二十七日以一品聖護院盈仁法親
王准三宮越後新瀨農民群起○十二月十日 詔
改元略曰感禎祥而建號前史之所記因變異而改
元後王之所則 朕雖盡夕陽就就之心致鷄鳴率
率之思政令不節乎教化不行乎何圖 宗廟告人
火延及京都地張太甚 宮園懷危懼天下加驚
愕 朕之不逮何能答之先擇嘉號急發恩令其改
文政十三年為天保元年大赦天下今日昧爽以前

大辟以下罪已發覺未發覺已詰正未詰正無輕重
咸赦免但犯八虐故殺謀殺私鑄錢強竊二盜常赦
所不釋者不在此限又復天下今年半徭庶民及僧
尼年百歲以上給穀四斛九十以上三斛八十以上
二斛七十以上一斛玄陰將謝臘春陽且布和尚衆
此時令宜與物更始普告遠近俾知 朕意○二年
二月四日 上皇入見 帝幕府濬安治川大坂民
爭請奉役浚海口為一阜世名天保山尋濬淀河○
三月幕府賜二條街孝子源太安次兄弟及源太妻
琴白金若干枚八條村民善者歷事五主敬忠如一

月令新刊 三月巳 卷七

正名

日、是歲年九十尚勤主亦賜白金十枚○四月八丈
嶋飢幕府禁民間名死者以院及居士其壯葬儀請
十僧以上墓碑高踰四尺先是近江守本多正収尹
長崎也其臣或遊娼家或舍妾於署中或買妓以歸
江戸至是幕府斬流伊藤半等數人杜正収宅門○
五月十五日 上皇入見 帝幕府以侍從備後守
太田資始為所司代○六月十日 上皇入見 帝
十四日皇子諱統仁生○七月幕士伊藤主膳坐弋
于府下押上圍禰邑 八月關白政通之女嫁幕府
世子内大臣幕府遣左近將監石河忠房下總守野

孝女
久濃

田某及營婢等迎之十三日莊内大水○十月十七
日 上皇幸修學院水戸藩臣青山延于著皇朝史
略成川口長孺繼延于掌彰考館事亦著征韓偉略
成○十二月朔 詔藏人極薦大江俊矩列朝貴聽
昇殿是為比小路家祖俊矩有賢才精國家典章○
三年正月幕府令諸國修溝洫○二月 勅公卿六
十一名各賦慶大將軍壽六十之歌以寄竹祝為題
賜御製以下於幕府 上皇亦賜和歌屏風慶之○
三月二十三日 上皇幸修學院○五月幕府賜葛
野郡川端村孝女久濃白金十枚久濃事義父母至

山陽

孝及父老代之耕耨夜則索絢以致養○賴襄歿襄
 別名迂襄字子成安藝人惟完之子自號山陽外史
 又以其二木草堂近望東山踰三十六峰外史其文冠
 當世名震一時所著有政記日本外史通議新策等
 歿年五十三○十月 上皇密幸山科勸修寺濟範
 親王等觀琉球使過焉幕府奏鑄二銖金元錄中始
 鑄之尋廢至是復之重四分諸國飢○十一月琉球
 使豐見城王子等詣江戶貢獻是歲飛驒信濃美濃
 竹簇實民多取而食之○四年二月賜御書額於贈
 太政大臣源治濟廟○六月陸奧出羽凍寒禾稼凋
 落○八月初東本願寺再造其諸堂幕府依例賜材
 助之至是成教祖影堂南北三十七間高稱之○九
 月二十七日 上皇入見 帝○十月遣藏人左少
 辨藤原俊克等開東大寺正倉檢蘭奢待及諸寶器
 書以修補正倉也十日能登輪嶋海溢破市舍數百
 戶溺死五百餘人幕府賞町尻市人忠者歷事二主
 至忠賜白金十枚○十一月幕府立長耀山感應寺
 于江戶雜司谷幕府公子某嘗失明大將軍聞日蓮
 教徒感應寺僧善祈命禱有驗大喜為創之明年所
 司代資始還江戶建言開明法力必有開明力請按

其正倉院

命詢之果妖術遂流僧敗寺是冬飢陸奧出羽尤甚
 其二國及播磨伯耆盜賊群起幕府發穀賑江戶飢
 又賜銀於市人之賑之者○五年二月江戶大火鍛
 冶數寄二郭門延燒幕府賑遭災民○三月十六日
 以醍醐寺座主三寶院前大僧正高演准三宮賜牛
 車遣右近衛權中將藤原定章等于東寺修空海十
 年齋幕府以越前守水野忠邦為老中○四月五日
 詔修左右近衛府生番長每官十二員九四十八
 人八日富士山大投荒而震幕府以伊豆守松平信
 順為所司代自春數發倉賑江戶飢武藏下奈良井
 豪農吉田四良請幕府自茲五歲之間年納金十兩
 于府以賑鄉里窮民肥前天草豪農平亦請年獻穀
 五百斛幕府賞聽各帶二刀○九月四日勅修賀
 茂廟幕府作之明年三月成二十日以權大納言
 右近衛大將藤原輔熙轉左近衛大將補左馬寮御
 監○十月十日以權大納言藤原家厚兼右近衛大
 將補右馬寮御監○十二月幕府賑貸金萬兩於對
 馬守宗義質以去歲冬朝鮮王城災且歲飢而罷與
 宗氏互市故○六年自十月不雨至于二月○三月
 有盜入幕府蓮池庫竊金二百五十兩○四月七日

月台新刊
 卷七
 其宗本亦本

美濃民起

上皇幸修學院幕府降褒詞於出羽新莊大名戶澤正胤上野沼田大名土岐賴功信濃高遠大名内藤賴寧出羽長瀨大名米津政懿武藏巖槻大名大岡忠固等以賞其能濟部内飢美濃高須笠松等民一萬許人蜂起犯笠松代官野田斧吉于萬壽新田村代助宅破其鎧櫃折槍等斧吉狼狽走駒野村桑名高須發士卒備之初代助修笠松大開賂斧吉不如舊制既而川漲開壞沒損笠松高須名護屋諸部百餘村於是斧吉巡視水災所次代助宅諸村憤怨將起報之而高須秋江村利等先起鳴鐘以集人及

之幕府召斧吉命大垣捕亂民搃致倡帥十餘人斧吉途自殺利見磔○六月二十一日以皇子諱統仁為儲君二十五日仙臺地大震海溢城壘震毀民家數百間沒壞溺死者多○七月二十二日詔第五皇子節仁紹挂殿封自盛仁親王薨絕世至是繼之○九月十八日以儲君為親王幕府奏始鑄堅長大錢文曰天保通寶背文曰當百又鑄新鐵錢京師累日黃雲滿空人面皆黃時以為異○十一月幕府遣目付戶川播磨守等于長崎請清船破令私貿易等罪妙法院發米數十斛施貧民古來比年行之○十

黃雲滿空

左京
弒其
君

二月幕府奏以近衛中将掃部頭井伊直亮為大老
削出石讚岐守仙石久利封誅其宰仙石左京等初
左京以慧點為久利父播磨守久道所寵用及久道
長子讚岐守政美卒幼子久利嗣立無之極驕遂欲
以己子小太郎代久利與僚屬靜馬甚助等密謀先
鳩久道既而聞同列河野瀨及江戶郵吏神谷轉知
之為滅其口誘瀨於久利斬之託國事召轉出奔為
普化僧改名友鶯左京馳人捕之弗得大懼更遣刺
客夜刺久利于江戶郵中不中乃請江戶町奉行執
友鶯被虜至廳懇寬以白左京逆狀幕府檻收左京

天下
凍寒

等十餘人斬左京甚助靜馬梟左京首久道之死醫
員已白者黨左京置毒於飴以弒也於是歸之磔于
出石餘處流放○七年三月五日以皇子節仁為親
王薨初老中濱田松平康任以仙石左京姻戚坐免
老中至是幕府徙之于棚倉棚倉井上正春于館林
館林松平齊厚于濱田○四月七日 上皇幸修學
院○六月二十日遣藏人頭左中辨藤原正房等再
檢正倉院諸寶物閉鎖之天下凍寒人服絮衣近江
大水漂没湖上人家○七月二十三日夜有六星西
南流有聲○九月朔德川太政大臣奏辭征夷職請

世子内大臣襲任之十一日 帝以天下飢命奉幣

使兼祈年于 大廟幕府賑京師飢每一町與米二

斗五升錢二貫五百東本願寺施錢米於境内民翌

月又施錢○十月十四日 上皇入見 帝幕府再

賑京師飢每窮民與米二升錢三百自二月至是月

天下多雨禾稼不登京民多往大坂沽糧大津不輸

尤飢故踰年大坂捕沽者○十一月春日樹藤無故

多搗七日遣藏人頭左中辨正房于春日祠祈禳之

命伶官奏樂于祠前自是夜至十三日夜而畢妙法

院賜封内田租之半賑之明年又賜○十二月十一

日 勅賀茂祭使近衛少將源通祐兼祈年○八年

正月二十七日 上皇入見 帝○二月京師儒者

北小路三郎與同志數人設場于三條積賑救飢病

民至冬而止幕府賜錢十萬文賞之十九日大坂町

奉行属吏大鹽平八郎格助父子帥同僚瀨田小泉

渡邊庄司近藤平山等七八人及河内攝津民作亂

建旗幟曰救民惣勢凡五百人縱火焚建國寺天滿

士民宅舍及菅神祠進逼市廳城代土井利位等兵

與町奉行山城守跡部良弼伊賀守堀利堅撤河橋

拒之賊不得度天滿天神二橋乃争難波橋而度之

京民往大坂沽糧

儒者三郎賑

平八郎作亂

分為二軍益放火焚諸大商玉造成將遠藤胤統臣
畑佐秋助胤統部屬山崎彌四郎坂本鉉助本多為
助左尾清次郎岡崎宦糟谷助藏等三十餘人皆持
銃與跡部良弼俱追賊破一軍于平野街進遇一軍
于界筋街相距可一町鉉助挺進銃賊隊將梅田某
斃之賊軍驚潰乘車重而走大坂街多罹賊發市舍
一萬八千二百餘戶延燒城倉司嶋田等出糧之次
別炊二百五十苞食難民○三月巨魁平八郎父子
伏誅初賊軍敗也諸渠帥混避兵火者而逃四方或
自殺或就虜未知平八父子所在二十七日有民告

米斗
錢四
貫文

慎德
公繼
職

城代利位曰平八郎潛匿油掛街染戶五良家遣士
卒與良弼等共圍之平八父子縱火自殺明年九月
樂二魁焦屍黨與數人于大坂賊悉平自大坂之變
天下大飢至是京師米斗錢四貫文京畿及諸道餓
莩相望幕府糶二條倉穀賑京師飢民○四月幕府
以備後守太田資始為老中五月以所司代松平信
順為老中大炊頭土井利位為所司代○大有麥○
六月准三宮一條藤原忠良薨年六十四子忠香嗣
忠香善畫花鳥設色運筆俱古雅○八月五日以内
大臣源家慶為右大臣任征夷大將軍轉左近衛大

將補源氏長者賜隨身兵仗牛車其世子權大納言家祥兼右近衛大將遣權大納言藤原實堅前大納言藤原資愛就江戶拜之大將軍大相國第三子也時年四十五右大將後更名家定上皇遣權中納

言藤原實久慶襲替左大臣齊信內大臣忠熙適江戶○九月讚岐守高松源賴恕因權大納言實堅獻歷朝要記六十卷此編年原高松民梶原某所著自後醍醐帝至後水尾帝賴恕增補之至是後

醍醐朝記成上之幕府奏始鑄五兩銀一分銀廢二分金改鑄文字小銀一分金款曰保五兩銀至安政中廢○十月大相國使隱岐守松平定毅大將軍使讚岐守松平賴恕右大將使左衛門尉酒井忠器共朝謝進官之恩先是東本願寺為粥施境內飢者百餘日至是又散錢賑之○有年時價猶貴季冬始低

○九年正月十八日京師雪積二尺○二月幕府奏改鑄文字諸銀幣款曰保○三月十日江戶西城災大相國避火于吹上課諸大名再築之明年四月成

○四月幕府以所司代土井利位為老中下總守間部詮勝為所司代○閏四月幕府令禁民間用金銀造器悉收之賜其直○九月賞討賊之功賜但馬守

其宰樋
君弒口

亂紡燈一雙賜烟佐秋助時服二領白金二十枚遷
坂本鉉助為鍊炮方賜白金百枚加平八所携大銃
賜為助彌四郎助藏等金有差初吉見九郎亦黨賊
及巨魁將舉烽集黨俄欲歸順使其子英太郎等詣
良弼自首因進小普請英太郎亦得賞○岸駒卒加
賀人仕于朝任越前介能畫得名其子岱亦工畫
弟子文鳳長人物山水華陽著畫乘要略○十年五
月樋口家宰岡田兵衛尉弒其君太宰大貳壽康被
執死六角獄中壽康嗣子近江權介功康連坐流于
隱岐○六月七日儲君親王始讀書從二位明經博

士清原在賢侍讀幕府賜法皇寺側民喜助白金賞
其孝賜建仁寺前民佐助一萬錢賞其忠○七月二
日聖護院雄仁法親王奉勅往柴祀大峯望祀葛
城金剛瞻駒踰釋迦嶽詣熊野山既其至浦州藩大
饗之使浦衆糶於舟以鈔擲浮木為捕鯨狀盖比例
也○十二月上皇命徒修學院茶室止止齋于
院中成○十一年正月二品兵部卿伏見貞敬親王
薨子三品邦家親王嗣幕府以備前守牧野忠雅為
所司代○三月修小御所為假東宮十四日立儲君
親王為皇太子內大臣忠熙傳之大將軍使近衛

少將越中守松平定永等朝賀○十一月十九日

上皇崩年七十大將軍使大藏大輔織田信恭入弔

先是帝欲朝上皇徵費用於幕府進金萬兩將

有朝覲之禮不果登遐朝野惜焉正月壬佐字左浦

漁人萬次等五人偶風漂著無人嶋為北亞墨利加

捕鯨船所救至是抵虾巴布國四人留焉萬次再附

其船如北亞墨利加云○十二月二十日葬上皇

于泉涌寺大將軍命二條城番及郡山柳澤保泰衛

泉涌寺岸和田岡部長和衛般舟院○十二年閏正

月上稱皇太后王氏曰新清和門院二十七日遣

左近衛大將藤原輔熙右近衛權中將藤原實愛右

大辨菅原聰長等于泉涌寺奉謚以上皇曰光格天

皇自宇多帝停謚法大典廢者幾六十世至是復

之○二月十七日贈前大將軍正一位賜謚曰文恭

院准三宮從一位入道藤原樂山薨年八十一○三

月十三日修後白河帝六百五十年忌齋于妙法

院左中辨藤原光政奉行是日於長講堂亦修之幕

府以備中守堀田正篤為老中時以文恭公喪禁天

下音樂因諸祠祭祀皆廢獨稻荷祭以奉論旨故

法復謚

同二卷五十一

行○四月以妙法院教仁法親王為天名座主○六月幕府以信濃守真田幸貫為老中○十月奏令天下嚴禁奢靡器服一品東大寺別當勸修寺濟範法親王有故從嬖臣數人夜潛之伏見驛遂如大坂航海西奔吏追及播磨奉歸京師明年七月泉涌寺詔解其官幽之于東寺觀智院○十一月十日夜泉涌寺

泉涌寺
帝廟

靈明殿四條帝廟法會堂景福殿並災方丈失火延燒之二十日修光格帝第一忌齋大將軍使侍從由樂良靖詣焉幕府嘗量定米鹽酒漿薪油藥漆等諸戶菱欄船戶至是悉罷之免其稅課尋以酷戶

耗粒米無量再定之關白政通之女嫁幕府世子權大納言○十三年二月幕府令天下減物價○三月欽宮薨年十六光格皇女也性敏好讀書工詩歌和韻立成又妙于箏琴○四月幕府賜妙心寺村孝子伊助粟田邑孝子太四壬生村孝女外錢各七千文外家貧窶離贅婿之後益孝願躬耕荷以養父母里人感而化○五月十七日京師大雨鴨川溢壞東九條南水關○八月左兵衛大尉瀧口衛士菅原重武有罪詔停其官職二十日以關白政通為太政大臣賜內舍人二人左右近衛番長四人隨身職

如故幕府奏廢一銖銀至嘉永中復鑄之禁寺內設

戲場市中置娼家○九月二十八日 詔陰陽頭安

倍晴親改曆法至十一月成賜名天保曆自明年頒

天下舊曆節氣及食等皆以支刺記之至是時數記

之以復寶曆曆之舊以輪王寺舜仁法親王為天台

座主○十月十五日修 光格帝三年忌齋行懺法

講于清凉殿天台座主舜仁親王主之至十九日畢

初幕府遣吏市野茂三郎等清丈諸國田地至是茂

三郎已打量北陸等將播^亦於近江地甲賀郡民

蜂起拒之其勢一萬人直逼茂三郎所次三上村茂

三郎大驚遠令界出^{薄箱}與左右數人持槍禦之忽

有一人先至奪簿箱而隻手舉之揮以靡槍刀茂三

郎辟易遁入但馬守胤紗館內餘走匿于三上山中

幕府檻收倡帥十餘人誅之清丈事竟寢○十一月

琉球使浦添王子座喜味親方等來獻江戶○十二

月以教仁法親王再為天台座主○十四年二月二

日有白氣廣二尺長七丈餘自暮從西見東岷翌月

三日至中天乃不見以准門跡東本願寺光勝為權

大僧正二十三日 皇太子始讀紀傳文章博士菅

原在久侍讀○三月二十一日所生從三位勸修寺

造天保曆

甲賀騷動

見白氣

氏薨年六十四明年二月追尊曰准后稱東京極院海南三百里所西洋兵艦見不去幕府命淀城主縮葉正守等遣士卒于和泉備之數旬乃不見○四月大將軍奏謁日光廟押小路替女昨及其妹峰油小路寡婦瀧西洞院商人藤吉河原街商人藤吉皆事主親孝四條坊門商人定山御幸街商人藤吉皆事主忠幕府賜之白金各若干枚松村景文歿文繼兄吳春為妙法院畫員最善花卉翎毛兼工人物山水名重一時歿年六十五弟子橫山清輝京師人工花鳥及青綠山水八木奇峯近江人○五月幕府嚴禁民

樓寫山

居侈僭招牌金飾○七月 詔嵯峨法輪寺募天下官民修其堂舍蓋比例也○閏九月幕府以伊勢守阿部正弘為老山高野大塔災幕府賜之金助再造○十一月幕府以所司代牧野忠雅為老中若狹守酒井忠義為所司代谷文晁歿晁江戶人初學畫於加藤泰都後法元人成一家又長青綠山水殆與明人爭席子文一文二各能畫妹秋香等亦工泰都字文麗任伊賀守幕府世臣也善畫名世○弘化元年正月贈故外祖權大納言經逸內大臣○三月紅毛兵船一艘入長崎告曰西洋同盟諸國遣兵來寇○

月台行刊 二月 卷七 見妻成反

五月十日夜江戶牙城災營婢多焚死大將軍避火于西城課天下大名再築之明年七月成○六月大將軍再造靈明殿法會堂明年二月成初泉涌寺法會堂移延喜朝清涼殿為之小方丈移後陽成朝小御所為之大方丈嚴有公所建而四壁守信畫之客殿明正在院賜東福門院所居景福殿為之大悲殿移櫻町朝御學所為之四壁洞春畫百馬法會堂之前門亦木覆金飾至是合祀四條帝于靈明殿作假客殿假方丈因前門亦瓦覆云○十二月二日改元弘化○二年正月夜京師誓願寺

災十六日詔第六皇子胤宮紹閑院殿封先是愛仁親王薨時其弟教仁親王乙為妙法院主閑院無嗣故以胤宮繼之○二月北亞墨利加漁船送阿波舟人十一口南部舟人十一口至相摸浦賀歸之去冬來各遭風海中為之救至是得回○三月二十三日以右近衛權中將藤原季知轉左近衛權中將○七月正二位前中納言西三條藤原實勳薨年六十一子左中將嗣○九月閑院王胤宮薨濱松越前守水野忠邦免老中徙于山形○十二月大將軍為諸縉紳建學舍于建春門前帝嘉之賜名學習院以

建學院

前中納言藤原具善參議菅原聰長為之頭少納言
 菅原為定式部權大輔菅原頌長為有職學生明年
 冬大將軍納書十三經註疏史記漢書康熙字典所
 司代忠義納十三經註疏大日本史資治通鑑朱子
 文集語類陪衛明樂茂正內藤忠明共納三禮儀疏
 歷史綱鑑○三年正月二十六日 帝崩壽四十七
 在位二十九年改元者三曰文政天保弘化 帝性
 孝謹好學工和歌 光格帝得疾 帝御女與潛出
 宮而朝覲及其遂崩復九百年廢謚以追尊大將軍
 使豐前守品川某入候御病○二月更使兵部大輔

有馬廣衆入弔大喪十三日 皇太子踐祚是為

今上天皇

今上天皇諱統仁 仁孝帝第四子也母從三位諱
 雅子號 新待賢門院權中納言正親町藤原實光
 之女天保十一年為 皇太子至是繼位時年十六
 關白太政大臣政通左大臣齊信右大臣尚忠內大
 臣忠熙並如故○三月朔奉謚 先帝曰仁孝天皇
 四日葬于泉涌寺大將軍命大友豐後守詣之上香
 命二條城番周防守朽木綱常隱岐守酒井某龜山
 豐前守松平信篤衛泉涌寺水口越中守加藤明軌

皇朝通志卷七

衛般舟院三家加賀以下諸大名亦使使上香○四月江戶火○五月四條火祇園別祠及市舍八百戶延燒江戶大水幕府賜近衛街孝子新者白金十枚○閏月金澤火二十八日北亞墨利加兵艦二艘至浦賀上書乞互市幕府遣大和守松平齊興下總守松平忠國備于海岸議弗聽之令浦賀奉行大久保忠豐傳其命○六月六日亞墨利加二艦俱還去後復來乞互市時魯西亞英咭喇二國亦各使使乞互市至安政元年且聽之泊下田長崎箱館三港二十日新清和門院崩年六十八葬于泉涌寺門院性

慈仁嘗數贍諸侍臣每聞賤工入葦必命賜酒肉云北亞墨利加七人漂泊翰蘆鮒幕府託紅夷送歸之○七月七日京師大雨風鴨川大溢流三條橋二十間許五條橋十五間許倒其石架十數脚雄仁法親王命為食與其邑遭水民復發金賑之西三條家臣平種松著帝皇略譜成後著諸陵說諸陵斷等○九月大將軍修補皇宮明年九月成○十月帝賜學習院書五經古註四書新註四書大全四書集解鑿本四書古文孝經四書蒙引孝經大義杜註左傳趙註孟子論孟古義七經孟子考文日本書紀續日

本紀延喜式令義解儀式逸令本朝文粹史記評林
資治通鑑通鑑綱目萬姓鈔譜大唐六典貞觀政要
文選六臣註等於是開白政通約書古事記日本紀
文德實錄三代實錄日本逸史明本二十一史等懺
仁親王及右大臣尚忠內大臣忠熙大納言忠香實
萬實堅光成俊明以下公卿亦各納經史等○四年
三月八日又賜學習院書五經正文四書正文五經
古註四書朱註五經大全論孟古義勅明日開講
十四日尊嫡母准后鷹司氏曰皇太后尋稱新朔
平門院二十四日夜信濃地大震民屋壞倒丹波嶋

稻荷山二驛災時善光寺開龕遠近來拜壓焚死者
三千餘人○四月齊信辭左大臣隨身兵仗○六月
十五日以右大臣尚忠為左大臣內大臣忠熙為右
大臣權大納言家厚為內大臣右兵衛大尉紀貞幹
著一書曰國基○八月二十五日遣神祇大副大中
臣教忠兵庫頭王任賢能登守齋部則能奉幣于
大廟告嗣位○九月二十三日行即位禮大將軍
使左近衛少將出羽守松平齊貴侍從左京大夫武
田信之世子右大將使近衛少將大膳大夫武田信
典大將軍夫人使侍從大藏大輔織田信恭共朝賀

之四位五萬石以上諸大名亦各使使奉賀

十三朝紀聞卷之七 大尾



十三朝紀聞跋

近世多史裨於世道此慶長召還隆治
文化出所莫矣其恩且功德不亦言乞
和泉掾安田源其親獨力修此史莫忘
寢會十有五季今茲初脫稿以示 德風
一覽則式百卯十餘季仁政旌行朝典

月合行刊 一月已開 友

其見書表反

月令新刊 十三朝系圖 跋

興復相門繼職竹園紹世與忠節孝順
亂賊奸佞高士名儒奇納惠心出踪迹
恣朝始有出勤植外邦濶適之難與歷
歷徵賢其裁之之用心於正名言傳今
時事者信存春殊遺意矣可謂前史良
補後教正律也德風長於其親幾三十
歲壯年遊京師久受之其父語德風曰
貽矩母象原氏中戌正月感夢孕出云

初其親依德風請死文推步之術文則
畫癡德風却請出嗚呼夢有瑞想有
妄想如其親出夢地豈妄之云爾

時

安政龍集丙辰臘月津國西津德風

謹跋



月令新刊 十三朝系圖 跋 二 其親妻載及

